

四庫全書

子部

欽定四庫全書

子部
龍筋鳳髓判卷一

詳校官中書_臣金應琦

員外郎_臣牛稔文覆勘

覆校官中書_臣方大川

校對官助教_臣卜維吉

謄錄監生_臣劉本立

欽定四庫全書

子部十一

龍筋鳳髓判

類書類

提要

臣等謹案龍筋鳳髓判四卷唐張鷟撰鷟字
文成自號浮休子深州陸梁人甘露初登進
士第授襄陽尉累官四門員外郎終於龔州
長史事迹具莫休符桂林風土記唐書附其
孫張薦傳中稱其兒時夢紫文大鳥止其庭

大父曰吾聞紫文驚驚也若壯當以文章瑞
朝廷乎遂命以名員半千稱其文詞猶青錢
萬選萬中時號青錢學士日本新羅使至必
出金帛購其文然所著作不槩見存於今者
惟朝野僉載及此書僉載已竄亂失真惟此
書尚為原帙其文臚比官曹條分件繁組織
頗工蓋唐制以身言書判詮試選人今見於
文苑英華者頗多大抵不著名氏惟白居易

編入文集與驚此編之自為一書者最傳於
世居易判主流利此則緝麗各一時之文體
耳洪邁容齋隨筆嘗譏其堆垛故事不切於
蔽罪議法然驚作是編取備程試之用則本
為隸事而作不為定律而作自以徵引賅洽
為主言各有當固不得指為驚病也原本附
有注文為明劉允鵬所輯採撮頗詳而稍傷
冗漫以別無他注姑仍其舊錄之允鵬本名

續事類賦今未見傳本惟此注附驚之書尚
存於世云乾隆四十一年十月恭校上

總纂官

臣紀昀

陸錫熊

臣孫士毅

總校官

臣

陸費

墀

欽定四庫全書

龍筋鳳髓判卷一

唐張鷟撰

明劉允鵬注

中書二條

漢武帝置中書令魏晉以下始置省唐因之

中書舍人王秀漏洩機密斷絞不伏款於掌事張

會處得語秀合是從會款所傳是實亦非大事不

伏科

鳳池清切

杜祐通典中書省謂之鳳凰池

鷄樹深嚴

魏晉世語殿中有鷄棲樹初學記韋

承慶中書省詩清切
鳳凰池扶踈鶴樹枝

敷奏帝俞對揚休命

二句散出尚書左傳

名

為內史流雅譽於周年

史記召公奭支庶皆為周卿士蓋卿士即周官內史之職也爾

雅歲名

荀作令君振芳塵於魏闕

魏志荀或所舉皆命世大才人謂之曰荀

今君之舉善不舉不休陸德明莊子音義曰魏象魏闕人君門也以其巍然故曰魏闕

張會掌機

右掖務在便蕃

唐宣政殿有兩掖中書省在右稱右掖

王秀負版中書情

惟密勿

孔安國論語注負版者持邦國之圖籍也文獻通考漢置中書令蓋周官內史之職也以其總

掌禁中書記故謂之中書擅道鸞晉陽伏肅祖以溫嶠為中書令曰卿文旨清遠宜居機家

理須克

清克慎慕金人以口緘

家語孔子入后稷廟有金人三緘其口銘其背曰古之慎言人

也一德一心仰星街而舌卷

尚書乃一德一心漢書曰畢昴間天街也街北胡也

街南中國也揚子解嘲曰欲談者卷舌而同聲晉溫樹書天文志卷舌六星在昴北主口語以知讒佞也

之號問且無言

漢書孔光典樞機十年或問溫室省中樹光不應

惡木之陰過

而不息

陸機猛虎行熱不息惡木陰管子曰士懷耿介之心不蔭惡木之枝惡木尚能耻之况與惡人

同處

豈得漏秦相之騎乘故犯踈羅

史記秦始皇幸梁山宮望見丞相李

斯車騎衆弗善也或告丞相後損車騎始皇怒曰此中人泄吾語捕在旁者殺之

盜魏將之兵

符自輕刑典

通鑑秦伐趙魏將晉鄙救趙次于鄴公子無忌用侯生計說如姬竊兵符殺鄙奪其

軍以

張會遇言出口駟馬無追

鄧析子一言而非駟馬不能追一言而急駟馬

不能王秀轉泄於人三章莫捨

左傳言語漏泄職汝之由漢書高祖約法三章

若潛謀討襲理實不容漏彼諸蕃情更難恕

若此則大事宜寘罪

非密既非大事法許准法勿論待得指歸方可裁決

通事舍人崔暹奏事口誤御史彈付法大理斷笞

三十徵銅四斤暹款奏事雖誤不失事意不伏徵

銅

崔暹風神爽俊詞彩抑揚雅調踈通清音朗徹

上條既首述中

書事此徑就遲說起

裴楷之英姿肅肅朝野羽儀

晉書裴楷風神高邁容儀俊爽

時謂之王人后為中書令

班固幽通賦羽儀上京 魏舒之容止堂堂羣寮領袖

晉書魏舒文帝重之曰

魏舒堂堂人之領袖也 自可曳裾紫禁

漢書鄒陽云何王之門不可以

曳長裾謝莊宣貴妃諫收華紫禁注云

王者之宮為紫禁或謂宮中為紫禁 伏奏青規

尚書敷奏

以言漢書史丹為侍中諫元帝廢太子頃首伏青蒲上應劭注云以青規地曰青蒲

助朝廷之光

輝替明時之喉舌

唐六典中書佐天子而執大政

芝泥發彩宣鳳藻而

騰文

河國舜即位黃龍負圖置舜前黃玉押白玉檢黃芝泥章曰黃帝符璽按芝泥天子封璽所用

蘭

檢浮香潤龍鱗而動色

河圖白玉檢○蘇味道受旨溫洛詩綠綺膺河檢李嶠拜洛詩

千秋瑞檢開初學記曰古者以縑帛依書長短截之名曰幡紙唐翰林志中書用黃白麻為綸命唐會要凡赦

書等用白麻不用印○予按芝泥二句言印也蘭檢二句言麻也

豈容金馬之對未被

譽稱

漢書公孫弘對策天子擢為第一待詔金馬門

神羊之威俄聞奏効

后漢書與

服志獬豸神羊也能別曲直楚王嘗獲之以為冠秦滅楚以其冠賜御史服之

罰金既罹於踈

網

漢書曰犯蹕當罰金老子天網恢恢疎而不漏曹植責躬詩表天網不可重罹

辨璧無舍於

明珠

抱朴子識珍者必拾濁水之明珠賞氣者必採穢藪之芳蕙

過誤被彈止當筭

罪不失事意自合無辜

唐六典通事舍人宣讀失句度用拾遺團句以助之謂之把麻

漢書京房死後客呈入市即無辜之驗

雖觸疑霜

大戴禮陰氣勝則凝而為霜崔篆御史歲簡上

霜理宜清雪

清雪喻釋也王子年拾遺記廣延國常雨清雪

門下省二條

漢謂之侍中寺晉給事黃門郎與侍中俱管門下事因謂之門下省

給事中楊珍奏狀錯以崔午為崔牛斷笞三十徵

銅四斤不伏

沉沉青瑣

漢官儀黃門郎日暮入對青瑣闌注云青瑣戶邊青鏤也刻為連瑣文而青塗也

肅黃樞

盧諶宣徽賦楊朝隱於黃樞注云楊雄為黃門郎三葉不徙官

望重鸞司

初學記門

下省唐改

任光龍作

尚書龍作納言孔安國注云龍臣名潘岳贈陸機詩齊轡羣龍讚納

言掌壺負璽步頓於是生光

齊職儀漢孔安國為侍中掌御唾壺環齊要畧侍中

古官也大駕出則負璽以從左思魏都賦習步頓以升降

左貂右蟬揖讓由其動價

漢官儀侍中冠惠文冠左貂右蟬董已輿服志曰蟬取
居高飲清貂取內勁悍外溫潤意曹植贈王粲為侍中

詩戴蟬

楊珍門承積闕

史記注明其等曰

榮重播紳史記

注摺播也

趨左掖之嚴凝

顏師古漢書注掖門在兩傍
如人臂掖唐書舍元殿右曰

宣政殿左右有兩掖按
門下省在左故稱左掖

奏上臺之清切

初學記唐龍朔
初改侍中為東

臺在左按上
臺即東臺也

出納王命職當喉舌之官

毛詩出納王命
王之喉舌孔安

國尚書注納
言喉舌之官

光闡帝猷佐處腹心之地

盧諶贈劉琨詩
光闡達韻王融

曲水詩序紹清和於帝猷毛萇
詩傳可以制斷公侯之腹心

恪勤之譽未出於丹闈

後漢書胡廣恪勤職事
爾雅宮中門謂之闈

舛繆之愆已塵於清憲

韻府羣
玉何頑

詔為秘書丞主者謬以為即按主者罪
管子正月之朔君乃布憲大夫皆受憲
馬字點少尚懼

亡身

漢書石建為郎中令奏事書下讀之驚恐曰書馬者與尾而五今乃四不足一獲譴死矣註云馬下

曲者為尾并四點為四足凡五
人名不同難為逃責

後漢書王愔典選令吏唱名誤以盧

士深為士琛深自呼其名愔曰盧即明潤所以加玉

准犯既非切害原情理或可

容何者寧失不經宥過無大

此二句尚書大禹謨文孔安國注云仁愛之道也

崔牛崔午即欲論辜甲申甲由如何定罪

左補闕陳邃司制勅知勅書有誤不奏輒改所改

之次與元勅同付法不伏

陳遼繆司綸綽

北史薛道衡典司綸綽

秦掌樞機

唐書溫大雅性周謹掌樞機務

謝絕賓客

參詳蘭葉之文

河圖黃帝往視河洛見大魚折漚而至汎白菑蘭葉朱文以授於帝

宣越芝英之字

初學記古今篆隸文體有芝英書唐翰林志天子召學士於禁中草詔雖出宸翰所

揮亦資檢校

拾遺補闕躡山甫之清塵

應劭漢官儀侍中與帝升降拾

謂之視草

遺補闕毛詩曰袞職有闕仲山甫補之續漢記陰識拜

時進極言正議常慕仲山甫夙夜匪懈楚辭聞赤松之

清塵獻可替否尋晏嬰之勝迹應劭漢官儀漢置散騎及

也左傳曰晏子曰君所謂可而有否焉臣獻其否以

成其可君所謂否而有可焉臣獻其可以去其否

設

令魚魯紕繆理合上聞

抱朴子書字之訛有

豕亥參差

寫魯為魚帝為虎

無疑下斷

家語有人讀史云三豕渡河子夏曰乙亥渡河校之果然

豈容斟酌聖意

加減繇言

晉摯虞尚書箴闡我王繇王繇允塞

用寸管以窺天

莊子用管窺天不亦

小乎釋三藏法師傳寸管

不可窺天小蟲難為酌海

持小瓢而測海

東方朔答客難以蟲測海

張晏注云

未經上白

廣韻白告也

輒敢雌黃

韻府羣玉古人寓書用黃紙有

誤以雄黃減

定字雖復無差據罪終須結正八十之杖自作

難逃三千之條

尚書五刑之屬三千

理宜明罰

文子臯陶為大理天下無虐刑周易

明罰勅法

公主二條

周天子嫁女於諸侯不自主婚必使諸侯同姓者主之故謂之公主

永安公主出降有司奏禮錢加長公主二十萬

漢書

帝女為公主帝姊妹為長公主造第宅所費亦如之羣下有疑

金機札札靈婺皎潔於雲間

文選古詩皎皎河漢女札札弄機杼注云札札機杼

聲左傳曰有星出於婺女杜預注云星占婺女為既銀嫁之女織女為處女謝靈運詠牛女詩雲漢有靈匹銀

漢亭亭少女倭遲於巽位

初學記天河謂之天漢亦曰銀漢按少女即星占處女也

毛萇詩傳倭遲歷遠之貌周易巽東南也陸機擬古詩織女東南顧大戴禮夏小正云七月初昏織女正東而

向故瀟湘帝子乘洞浦而揚波

謝朓詩瀟湘帝子游山海經洞庭之山帝之二

女居之常游於江風交瀟湘之川郭璞注云二子游戲能令風波之氣共相交通言其靈變也許氏說文浦水

濱也按洞浦洞庭之濱也吳越春秋子胥死
吳王投之江子胥因隨流揚波成濤激岸
巫峽仙妃

映高堂而散雨

山海經丹山西即巫山帝女居焉其間
首尾一百六十里謂之巫峽宋玉高堂

賦序先王之將高堂夢一婦女王幸之去而辭曰妾在
巫山之陽高堂之岨朝為行雲暮為行雨張景陽咏懷
詩雲乖雨散心乎愴而按散雨即雨散是離
絕意梁張率長相思詩美人之遠如雨絕
公主穠華

發彩

毛詩何彼穠矣唐棣之華
鄭元箋云喻顏色美盛

舜萼延祥

毛詩有女同
車顏如舜華

鄭元毛詩箋
承華者萼也

六珈玉步之辰

毛詩副笄六珈孔穎達正
義曰珈笄飾六珈飾之有

六左傳若
步玉趾

百兩香飛之日

毛詩百兩將之毛萼詩傳百
兩百乘也初學記張文恭七

夕詩雲路七香飛杜陽編漢唐公主下降乘七寶
步輦四面綴香囊貯辟邪香瑞麟香皆異國所獻
三公

主婚

春秋指掌碎玉天子嫁女秦漢以來使三公主之故呼公主

鵲鸞接羽

唐牛鳳受圖溫

洛詩微臣矯弱
翻扑舞接鸞鸞

百枝燈燭光沁水之田園

漢書金枝秀華注云金枝

銅燈百二十枝晉孫惠百枝燈賦曄若雲亭爛已星布
後漢書竇憲女弟立為皇后憲恃宮掖聲勢奪沁水公

主萬轉笙竽雜平陽之歌舞

漢書孝武衛皇后字子夫為平陽公主善謳者帝遇

平陽公主謳者進獨悅子夫得幸陳周弘讓長笛
詩氣吐平陽塢隋李德林夏日詩舞袖冠平陽

玲瓏

玉珮振霞錦於仙衣

漢武內傳上元夫人帶六出火玉之珮王子年拾遺記嚳支國貢列

璫錦文似雲霞覆於日月唐書司馬承禎廬天台睿宗召之問道錫霞文帔

熠燿花冠點星

珠於寶勝

漢武內傳上元夫人戴九星靈芝夜光之冠
山海經崑崙之邱有人戴勝名曰西王母郭

璞注云勝玉勝也婦人首飾

飛鸞鏡匣向滿月以開輪

唐李義山詩舞鸞鏡匣收

殘黛異苑罰賓王一鸞三年不鳴夫人曰聞見類則鳴懸鏡照之觀影悲鳴

仙鳳樓臺映浮

雲而寫蓋

唐李公主詩仙女鳳樓期列仙傳蕭史善吹簫秦穆公以女弄玉妻焉遂教弄玉吹作鳳

鳴鳳來集公為作鳳臺一旦飛去按向滿月弄珠分開輪言鏡之光明映浮雲寫蓋言臺之高盛

態江姊為之含嚔

韓詩外傳鄭交甫過漢皋遇二女珮兩珠交甫請珮二女解與之去十步

珮亡女亦不見張衡南都賦游女弄珠於漢皋之曲郭璞江賦江妃含嚔而繚眇

飛箭成婚天

公為之戲笑

仙傳拾遺王公與一玉女投壺箭有不入者天為之嘻噓注云嘻噓開口而笑神異

經東王公與玉女投壺設有不接天為之笑開口流光金電是也

肅雝之制須異常倫

毛詩小序何彼穠矣美王姬成肅雖梁江淹雜詩高步超常倫築館之規特優恒

典春秋築王姬之館於外沈約宗書讓尚公主表云禁出望表恩加典外小不加大必上

下和平卑不凌尊則親踈順序左傳少凌長小加大逆也先帝女之

儀注舊有章程山公主之禮容豈容逾越春秋考異鄭飾禮容成文

法左傳逾越險阻

長陽公主為子求內官親得侍衛

山陽分輝若木大荒經洞野之山有赤樹名曰若木高誘淮南子注若木端有十日狀如蓮華

謝莊月賦嗣派浪咸池咸池星名史記咸池曰天五潢五帝居舍也凡宗室之家皆謂

若英於西溟

之天潢魏王固表疏派天潢

七襄之駕既嚴

毛詩跋彼織女終日七襄鄭元箋云襄駕也駕

謂更其肆也從旦至暮七辰一移因謂之七襄初學記王微七襄怨詩藻帳越星波玉飾度雲川

萬金

之禮斯盛

公主出降有此盛禮上條永安公主禮錢二十萬是也

張敖勲舊竊湯

沐之微滋

漢書宣平侯張敖尚惠帝姊魯元公主有女惠帝既立呂太后欲為重親以公主配帝漢

舊儀皇同皇太后各食三十縣曰湯沐邑

竇固名宗霑脂粉之餘潤

東觀漢記竇氏

一公兩侯二公主自祖至孫官府廐第相望雖親戚功臣莫與為比述異記吳宮西施浴處因名脂粉塘按張敖竊湯沐微滋謂其女配帝為皇后竇固霑脂粉餘潤謂祖竇融封公父穆尚內黃公主固又尚溫陽公主甚見尊貴也但任人以器有國之大經官不私親前王之令

範古者任官如拜官牀下時聞丞相之男

漢書張禹成帝朝丞相有

疾帝自臨問之禹有少子在側目之

乞衛宮中惟允左

師之息

戰國策左師觸龍謂趙太后曰老臣賤息願令補黑衣之類以衛王宮太后曰敬諾注云息子

也

燕王之請身入侍竟不從依

漢書燕刺王旦武帝第三子也衛太子敗上書

求入衛帝怒下其使獄由是惡旦

館陶之為子求即終無允許

後漢書館陶公

主為子求即明帝不許曰即官上應列宿是以難之

若有言有行胡越可以正除

鄭元論語注言行如此雖不得祿亦同得祿之道鄒陽獄中書意合則胡越為昆弟由余子臧是也無德

無功昆弟寧容濫及

周禮以德詔爵以功詔祿左傳武王之母弟八人五叔無官

宜

銓其器識

唐書士之致遠者當先器識而後文藝

察其廉能待得實才方

可詳擇

御史臺二條

御史之名周官有之秦漢始為糾察之任所居之署謂之憲臺

御史王銓奉勅權衡州司馬鍾建未返制命輒干

他事解來陽縣令張泰泰不伏

棲烏之府地凜冽而風生

漢書朱博為御史大夫其府列栢樹常有野烏數千棲宿

其上唐李白大獵賦寒氣凜冽晉書傳元每有奏劾或值日暮捧白簡以待旦臺閣風生

避馬之臺

氣威稜而霜動

後漢書桓典為侍御史常乘驄馬京師畏之曰行行且止避驄馬御史謝靈運

晉書漢官御史為憲臺漢書武帝謂李廣曰威稜懾於鄰國李奇注曰神靈之威曰稜懲奸疾惡實

籍嚴明肅政彈非誠宣允列

杜祐通典御史風霜之任北齊書御史臺掌糾察彈

劾王銓位參持斧

漢書武帝遣暴勝之為直指使者衣繡持斧

職在埋輪

後漢

書張綱為御史埋其車輪於洛陽都亭遂奏大將軍梁冀罪惡

履暴勝之清徽

注見持斧

葛豐之雅烈

後漢書諸葛豐特立剛直刺舉無所避京師語曰間何闊逢諸葛

冠施鐵

柱貴戚傷心

漢官儀御史冠法冠以鐵為柱言其審固不撓

花發繡衣姦豪飲

手

漢書武帝時有繡衣直指使者注云衣以繡者尊寵之也後漢書鮑永鮑恢抗直不避權貴光武嘗曰貴戚

且斂手以避二鮑

近辭端右

唐書侍御史號臺端人稱之曰端公

遠屆衡陽

淮南子至

於衡陽注云

熙翮紫蓋之峯

魏曹植白馬篇白馬飾金羈翮西北馳初學記衡

山有三峯其

迢遞蒼梧之野

山海經南方蒼梧之邱漢書有蒼梧郡稽康琴賦指

蒼梧之

但御史推覈受委非輕

黃石公陰謀秘法焚惑大之精御史之象主禁

令刑罰收

有罪必繩無幽不察

唐臺儀御史察微隱之罪

神羊竦角

必觸邪人

後漢書獬豸神羊能別曲直神異經獬廌性忠而邪則觸之唐太和勅憲官之職在指佞

觸隼鷩驚飛先驅惡鳥

禮記月令季夏行冬令則鷹隼擊鷩李善文選注鷩擊之鳥通

呼曰隼許氏說文鷩擊殺鳥也從鳥執聲取其執服衆鳥呂望六韜鷩鳥將擊卑飛故翼唐蘇味道贈御史詩

難當擊隼去復覩落鵬歸魏曹子建集有惡鳥論惡鳥謂鳥也

推鍾建之罪特奉繇言

舉張泰之辜無虧格式正當直指

漢書暴勝之為直指使者

豈是輒

干准犯量科宜從解退

御史嚴宣前任洪洞縣尉日被長史田順鞭之宣

為御史彈順受贓二百貫勘當是實順訴宣挾私

彈事勘問宣挾私有實順受贓不虛

田順題輿晉望

後漢書河北刺史周璟辟陳蕃為別駕題其輿曰陳仲舉座唐書開元中定天

下州府為六雄十望十繁按晉

讓佩汾陽

晉書呂虔有佩刀人相之

以為必登三公可服此刀虔讓別駕王祥曰卿有公輔之器故以相贈漢書汾水出汾陽北山按唐有汾州後

有汾陽軍順益
汾州長史云

作貳分城

古詩詠太守云四十專城居
按順為長史聲貳故稱分城

參榮半刺

唐杜甫長史詩半刺已翔翔晉庾亮荅郭豫
書別駕舊與刺史別乘居刺史之半 按秦

置郡丞以佐守在邊為長史漢設別駕至唐高宗乃改
別駕為長史夫田順長史也故判中與別駕事通用性

非卓茂

後漢書卓茂遷密令有言所
部亭長受米肉茂笑而不答

酷甚常林

魏畧常
林性嚴

為少府掾吏不勝
其痛唯呼嗷嗷

鞭寧戚以振威

呂氏春秋晉王承為
東海吏錄一犯夜人

云從師讀書不覺日暮承曰鞭撻寧
戚以立威名非政理之本遂令歸家

辱何夔而逞志

魏志

太祖性嚴掾屬公事往往加杖何夔常蓄毒藥誓死
無辱是以終不見及此四句形容田順鞭嚴宣

嚴

宣昔為縣尉

事文類聚漢大縣
兩尉小縣一人

雌伏喬元之班

後漢書
趙溫漢

曰大丈夫當為雄飛焉能雌伏續漢書喬元補洛陽尉與南陽太守陳球有隙及為司徒薦球為廷尉

今

踐憲司

五代會要御史執憲之司

雄飛杜林之位

東觀漢記杜林為侍御史先與鄭興

同寓隴右后乃薦興為大中大夫。按四句借喬元杜林以明嚴宣自縣尉遷御史且二人俱薦舊者何嘗計

恩怨 祁奚舉薦不避親讐

左傳祁奚請老晉侯問嗣焉稱解其讐也又問焉對曰午也

可君子謂祁奚能舉善矣稱讐不為諂立子不為比韓非子忠臣舉賢不避仇讐

鮑永繩愆寧

論貴賤

後漢書鮑永以事劾趙王良朝廷肅然

許揚大辟

尚書大辟之罪其屬二百詎

顧微嫌振白鷺之清塵紉黃魚之濁政

唐臺儀御史以鷺羽飾車以白

鷺見水中魚象御史察微隱之象按黃魚即泉中魚謂在黃泉之中明微隱意又郭璞注爾雅云江東呼鱣為

黃貪殘有核毛詩小序贓狀非虛此乃為國鋤凶春秋合誠

圖誅鋤豈是挾私彈事二百錙坐漢書注錙錢貫也法有常科

三千獄條刑茲罔捨

尚書都省二條尚書秦官也在殿中主發書故號尚書北齊立尚書省唐因之

左司郎中唐於尚書省設左右司郎中二人許鑑飲酒停制勅依

問款稱遇霍亂不得判署遂失機

鐔鐔會府周禮司會鄭元注云會大計也司會主天下之大計若今之尚書荀綽晉百官表注尚書

為文掌北斗之璣衡後漢書李固上書云國家有尚書猶天有北斗斟酌元氣尚書在璿

璣玉

肅肅禮闈

任昉王丈憲集序出入禮闈李善注云崇禮門即尚書上省門建禮門即尚書

下舍門尚書省二

握南宮之樞輿

南宮星名主郎官漢書天文志南宮二十

五星韻府羣玉漢建尚書百官府曰南宮杜甫詩南宮吾故人舊注以南宮為禮部非也韻府續編唐開元中

謂尚書皆為南省禮部郎中掌省中文翰謂之南宮舍人

是稱仙宇

司馬彪續漢官志尚書省在神

仙門內初學記

實號文昌

初學記天文志斗魁六星曰文昌宮荀綽云尚書是謂文

昌天府唐書職官志唐改尚書省為中臺亦曰文昌臺

虞書典百揆之宗

尚書約於百揆

孔安國注云揆度也孔穎達正義云百揆官名納舜於此官也

周禮統六卿之職

周禮乃立

天官冢宰掌邦治鄭司農云邦治謂總六官之職百揆者揆度庶政之官惟唐虞有之猶周之冢宰也

按

許鑑位膺列宿

後漢書郎官上應列宿

職綰通班

許氏說文綰繫也隋書梁武定

九品十八班注云即通班也劉子元忤時論僕少小從事早躡通班

揔八座之繁司

初學記光

武分尚書為六曹并一令一僕射謂之八座

承萬幾之要務

後漢書尚書數奏萬幾

端

標指影檢局虧違置治和鈞糾繩稽失

言即中職當如此張璠漢記左

雄為尚書令立限年法在位者各自肅晉中興書下壹為尚書令奏王導專任無敬舉朝悼壹

舉宏綱

於烏網則萬目皆張振修領於孤裘則千毛自整

魏志崔林

議考課之法萬目不張舉其綱衆毛不整振其領惟在守一勿失而已

兢兢戒慎尚有差

違

尚書兢兢業業孔安國注兢兢戒慎業業危懼

翼翼小心仍憂失墜

毛詩小心翼翼

太公金匱湯之居人上翼翼乎懼不敢息

豈得不存恭肅

尚書恭作肅東觀漢記竇融有子年

十五教以經藝欲令恭肅畏士恂恂於道

自縱荒淫

漢韋敬諷諫詩序荒淫不遵道

放曠鸚

鵠之杯

劉崑荅盧諶詩序近嘉阮生之放曠薛道衡戲鵠螺狀如覆杯頭如烏頭向其腹視似鸚鵡故以為名

淹停鳳凰之制

陸翽鄴中記石季龍

有詔書用五色絛啣於木鳳凰口中侍人放數百丈飛繩展轉而下

恪居官次異文惠之

勤公

左傳敬恭朝夕恪居官次杜預注云次舍也魏志高柔字文惠為令史夙夜匪懈擁膝抱文書而寢

職務不修同景山之中聖

魏志徐邈字景山為尚書郎沉醉趙達問以曹事邈曰中

聖人達白太祖太祖怒鮮于輔曰醉客謂紹云霍亂未清者為聖人濁者為賢人邈醉言耳得免

可依憑滯失機宜理從明憲

令史

掌吏籍尚書六部通設唐書張元素為隋刑部令史太宗問卿仕隋何官元素耻之

王

隆每受路州文書皆納賄錢被御史彈付法計贓

十五匹斷絞不伏

王隆泰沾趨吏

慎子趨事之有司賤也

幸列胥徒

周禮注胥有才智為什長徒給

使役故一胥十徒也

祿雖給於斗儲

左思詠史詩外望無寸祿內顧無斗儲

官未階

於尺木

趙曄獻帝春秋龍欲騰翥先階尺木教英綠雪亭雜言段成式言龍頭上有一物如博山形名

曰尺木龍無尺木不能昇天

鷄卵之饌雖避嫌疑

史記苟變為吏食人二鷄卵衛侯弗

用鷺目之錢若為窺覷

裴子野宋畧泰始中通私鑄每貫長三寸謂之鷺目錢

受一狀皆取百文未申疵面之功

晉書趙孟為尚書令史善清談面有疵點

時人曰萬事不決問疵面翻起黑頭之患

杜甫詩遠愧梁江總還家尚黑頭注云總在陳受尚

書今京師陷入隋歸尚黑頭其人心事可知宋文天祥詩黑頭爾自誇江總冷齒人能說褚公

獵青鳧

之小利

杜祐通典魏道武制官諸曹走使謂之鳧鴨取飛之迅速

觸驄馬之嚴威

唐駱

賓王詩驄馬刑章峻漢書桓典為御史乘驄馬語曰行行且止避驄馬御史

因事受財實非

通理枉法科罪頗涉深文宜據六贓式明三典

律書贓有六等

周禮大司寇掌建邦之三典

吏部二條

吏部尚書周之天官卿也漢成帝置列曹尚書有常侍曹光武改為吏部曹主選舉歷代

不一唐興屢有改革卒因之

吏部侍郎

隋諱中不設郎中置侍郎唐因之開元後選試皆侍郎專之

山巨源

奏稱選人極多員缺全少等邑之色書判不公詔

學優長選號復少望請判事鑑鏤詞理酸寒者雖

有等級十選並放

六卿分職

尚書六卿分職各率其屬

百官總已

論語百官總已以聽於冢宰

周開

冢宰之司

周禮乃立天官冢宰鄭元注云百官總焉則謂之冢山頂曰冢

漢列尚書之

位

漢書百官表成帝罷中書官初置尚書注云尚主也主天子文書故曰尚書

銓衡萬國不

易其人

梁陸倕吏部郎表銓衡庶品聲類蒼頡篇銓稱也所以稱物也漢書衡平也

藻鑑九

流古難斯任

李重吏部尚書箴序銓管九流品藻清濁杜祐通典分九品官謂之流內

在魏

則荀攸鑑識毛玠公方

任昉王文憲集序毛玠之公方李重之鑑識今日荀攸鑑識

按魏志荀攸字公達鍾繇言我每思惟自謂無以易以咨公達輒復有過人意是其器識可知

居晉則

裴楷清通王戎簡要

晉書文帝時吏部缺問其人於鍾會對曰裴楷清通王戎簡要皆其

也選故能轅輪莫棄玉石咸收不求備於寰中

尚書無求備於一人

無滯才於天下

劉義慶世說鍾會見王戎裴楷摠角曰后二十年此二賢當為吏部尚書冀是

時天下無復滯才

宏詞碩學不積功勞

沈約宋書名儒碩學多著作東觀後漢書鄉舉

里選必累功勞

淺見狹聞多求等級

北史孫搴學淺行薄常服棘刺九李楷調曰卿應自

足何假外求韻府羣玉級絲次第也一曰等級漢爵二十級隋李紹曰吾少無宦情豈以垂老求一階半級

祇如視肉之輩

釋氏法苑珠林情慢篇引莊子曰人而不學謂之視肉學而不行謂之撮囊今

按莊子無此語

篋瑟莫分走骨之徒

走骨未詳所出

狐狸詎辨

桓譚新論鄙人

謂狐為狸以瑟為篋非徒不知孤與瑟乃不知狸與篋也

食梅衣葛無以暴其寒

酸鮑照東門行食梅常苦酸衣葛常苦寒

咀黎啖茶不足方其辛苦

釋氏涅槃

經訶梨勒果根莖枝葉實悉苦謝朓尚書省詩啖茶更如薺李善注云言雖遇啖茶之苦更同如薺之甘

鳥累百不如一鶚之雄羊皮數千不如一狐之腋

史記趙簡

子曰鶚鳥累百不如一鶚又周舍死簡子曰千羊之皮不如一狐之腋四句皆本之趙簡子蓋言選人雖多無

出衆者鏤冰之子萬衆不可濫收漢桓寬監鐵論內無其質而外學其文若畫脂

鏤冰費日損功畫餅之夫百選猶其堪總魏志盧毓為吏部帝謂曰選舉莫取有名

名如畫地作自然私謁之門塞毛詩小序無險詖私謁之心魏志毛玠典選舉

請謁不行荀子公道達而私門塞公平之路開東觀漢記袁安政令公平長聞振鷺

之飛毛詩振鷺于飛毛萇傳云振羣飛貌鷺白鳥也鄭元箋云白鳥喻潔白之德蔡邕釋詁振鷺充庭

無復促牛之謗寧戚相牛經角欲得細身欲得促晉書潘岳以在次宜為郎不得時山濤領選

岳非之作謠曰閭道東有大牛王濟鞅
裴楷歎和刺促不得休和謂和喬也

王峴山有策略解行兵選司補擬神武軍御史彈
不應置而置選部為首峴山為從並仰處分

峴山素閑武略

吳志魯肅附呂蒙背曰吾謂弟但有武略今學識英博

早習戎昭

左傳戎昭果毅魏志龐德戰死文帝策曰戎昭果毅蹈難成名

張良千里之謀

漢書高祖稱張

良運籌帷幄之中決勝千里之外

陳平六奇之術

漢書陳平凡六出奇計

觀丁父

鄧俘也楚王以為軍師

錦囊故事楚文王遇鄧三甥勸鄧侯除之曰事有機會至於噬

臍雖悔何及弗聽后鄧果滅於楚

按此李左車趙囚

唯鄧楚事也其鄧俘云云則未詳所出

龍筋鳳髓判

十八

也韓信收其兵計

史記韓信破趙獲李左車問攻燕伐齊從其策燕齊從風而靡

求賢

為國進善無私

言選部職宜以此

壓強敵而振威容安國家而

利社稷

影說峴山可用

徵雖要籍准法勿論量事應機據條尤

坐更宜審鞠

張晏漢書注鞠窮也謂窮問四情也

方可裁科

考功二條

漢元帝時京房作考功法然其職不在尚書光武始以尚書曹主之

考功郎中

魏初置歷代建革不一唐始復舊

呂訥奏比年奏考不

求才行貪猥輩好行賄賂請託多有使勤勞清慎

之徒不事行賄例應排擯若據部當考便成失鑑

若不收勞效又是弃功請為安穩法

同力度德

尚書秦誓文孔安國注云力均則有德者勝

為政之大經

禮記中庸經綸

天下之大經

明試以功

尚書舜典文孔穎達正義云諸侯來朝明試之以要其功

經邦之

上策

梁陸倕石闕銘謀協上策

三載考績

舜典文孔安國注云三年有成故以考功

芳塵

振於有虞六府孔修

尚書禹貢文蔡沈注云水火金木土穀六者財用所自出故曰府

懿範光於大禹故知激揚清濁

漢書贊命之臣靡激揚也尸子水有四德揚清

激濁

才行為先

後漢書士宜以才行為先不可純以閥閱

黜陟幽明

舜典文孔穎達

正義云羣官懼黜思升各敬具事

勤勞是務

毛詩小序知臣下之勤勞

呂訥含香禮

閣

尚書百官志尚書郎舍鷄舌以其奏事谷對欲使氣息芬芳也唐沈佺期寓直省中詩並命登仙閣通宵

直禮閣

按閣稱其省中也尚

書省在崇禮門西故曰禮閣

染翰仙臺

漢書儀尚書郎主作文書

起草故稱

染翰梁主筠和劉尚書詩客館動秋光仙臺起寒霧按尚書在漢稱中臺而尚書省在神仙門內

故曰

仙臺

覺朱邑之廉名

漢書朱邑為大司農卒宣帝詔曰廉潔守節其賜邑子黃金百斤以

奉祭

知黃霸之尤異

漢書潁川太守黃霸以治行尤異賜爵關內侯

恐貪猥之

吏政以賄成

左傳杜預注云隨財制政

黷貨之夫

左傳黷貨無厭

情隨利動

贈金蛇於梁冀

張璠漢記永昌太守劉君世鑄黃金為文蛇以獻梁冀

奔競無厭

晉諸公讚傳宣定九品未訖劉疇代之悉改宣法於是人人望品求者奔競

獻壁馬於虞公

淮南子虞公好寶而
晉獻以璧馬釣之

驕淫不息

尚書驕淫矜
誇將由惡終

遂令濁濫

之士却在上流清慎之徒

後周書裴夾
清慎奉公

翻居下等蒼蠅

迷其黑白

魏曹植贈白馬王詩蒼蠅間白黑讒巧令親
疎鄭元毛詩箋蠅之為蟲汙白使黑汙黑使

白喻佞人變
亂善惡也

素匠枉其丹青

周禮考工記凡繪畫之事
后素功鄭元注云素白彩

也后布之為其易漬汙也揚子
法言爰變丹青注云丹青喻讒

有蠹朝章

東觀漢記太
尉趙喜博達

事體明
鮮朝章

深驚物聽試可詢其政術察以廉能考殿最於

錙銖

陸機文賦考殿最於錙銖漢
書注下功曰殿上功曰最

燭妍媸於水鏡

梁武帝連

珠水不以
妍媸殊照

自然陳羣考課深明九品之宜

魏志陳羣為
尚書制九品

官人

嚴助恭勤尤奉三年之最

漢書嚴助拜會稽太守無善聲武帝召之助恐

上書曰臣助當誅

願奉三年計最

諸州貢舉悉有保明及其簡試蕪濫極多若不量

殿舉主或恐奸源漸盛並仰折中處分

按唐初以考功郎中

監試貢舉至開元末始移貢舉於禮部

進賢匡國

漢書鄭當時聞人之善進之毛詩以匡王國

先典攸高

邱遲與陳伯之書迷

途知反往哲是與不遠而復先典攸高

求賢審官

毛詩小序求賢審官知臣下之勤勞

前王

所重或學兼馬鄭

劉勰文心雕龍敷讚聖旨莫若注經馬鄭諸儒弘之已精謂馬融鄭元

蘊萬卷於胸中

梁書陶弘景讀書萬卷一事不知以為深耻

或業亞班揚

漢文

帝典論論文孔融時有所善揚班儔也王僧達祭顏光祿文文蔽班揚謂班固揚雄

包九流於掌

內後漢書稱班固九流百家無不窮究王予年拾遺記蘇秦張儀傭人寫書遇聖人之文無題記則以墨畫

於掌內佛經皆悉了知如觀掌內如是名為一切智慧

總斯羣藝乃應賓庭

周禮三年

大比考其德行道藝而興賢者能者以禮賓之

豈得舉不求才

後漢書鄧禹每有所舉皆當其

才惟力是薦

左傳惟力是視注云惟力是求餘無所顧也朝野僉載崔湜為吏部侍郎掌選有選

人曰某能翹關負米湜笑曰若壯何不求選兵部答曰外議崔侍郎下有力者即得選

貢不求器

漢書匡衡才智有餘經學絕倫貢之朝廷必為國器

惟昧是聞

晉書庾峻曰今山林之士利出一官

商君謂之六蝎韓非謂之五蠹不聞德讓惟爵是聞

徒招畫餅之譏

見前吏部條注

終致

舉肥之謗

後魏書楊愔典選多以顏貌取人時謗云尚書典選似貧人買瓜惟取大者天寶遺事明

皇問李白天后朝任人如何白曰如小兒市瓜惟揀肥大者

兔絲燕麥

抱朴子兔絲初生之根其

形似兔通志大菊曰燕麥爾雅蕎麥郭璞注云即燕麥唐劉禹錫集兔葵燕麥動摧春風

竟是虛

名

文選古詩虛名復何益

草狗泥龍

釋氏宗鏡錄老子云天地不仁以萬物為芻狗不仁者不

恃仁德也猶如草狗豈有吠守之能淮南子辟若歲旱之土龍周庾信喜晴詩已歡無石燕彌欲棄泥龍又新晴詩云驚燥還為

終非實用

後漢書明帝以馮衍才過其實抑而不用

鷄冠

比玉乍可依稀

王逸玉部論或問玉符曰赤如鷄冠黃如燕栗白如猪肪黑如純漆玉之符也

魚目參珠曾何髣髴

雄書秦失金鏡魚目參珠卽元注云金鏡喻明道魚目亂真珠也

貢人不充分數舉主自合徵科法有常刑

尚書則有常刑

理難

逃責

司勲二條

周禮有司勲隋立司勲卽唐為司勲卽中掌官人之勲級

洛陽人初元泰賄司勲令徐整作偽勲挿入申奏

大理斷泰為首整為從泰不伏

止戈為武

左傳夫止戈為武注云武字之義以止戈也

靖亂之嘉謀

左傳君務靖亂

尚書爾有嘉謀

致果為毅

尚書爾眾士其尚迪果毅孔安國注云毅敵為果致果為毅孔穎達正義

云此二句左傳文果謂果敢毅謂強決

安邊之茂軌疇庸命賞

周禮民功曰庸漢書

疇其庸延及子孫注云疇等也功臣子孫襲封與先人等也

將酬犬馬之功

史記丞相翟青

曰臣不勝犬馬心

書勞策勲

孔穎達左傳正義書勞與策勲一也王功曰勲事功曰勞

用答

鷹揚之效

毛詩時維鷹揚後漢書陳龜曰臣無文武之才而忝鷹揚之任

初元泰奸回

是務

尚書崇信奸回

逞狙詐於千端

漢書狙詐之兵劉子宗有狙翁養狙曰與若芋朝三

而暮四衆狙怒曰朝四而暮三衆狙悅

徐整乾沒為懷

漢書張湯為小吏乾沒注云乾沒射

成敗也縱狼心於百變

左傳狼子野心後漢書自是匈奴得志狼心復生

勲隨筆

注

南史思幸傳紙為銅落筆由利染

官逐賄成

左傳政以賄成

將此阜

魏志詔入粟賜

爵白民輸五百石
白民猶白丁也

插名黃綬

董巴輿服志四百三百
二百石皆黃綬一采

雖

復龍蛇共澤

左傳深山大澤實生龍蛇

善惡殊

趙岐孟子注以前代善惡為明鏡說

苑齊侯問晏子為政何患對曰患善惡之不分

終是鷄鵲同羣

晉書嵇紹初入洛或謂王戎曰

昨稠人中始見嵇紹昂昂然若野鶴之在鷄羣

是非交錯

莊子彼亦一是非此亦一是非春秋元命

苞交錯

整行詐業泰受偽勲兩並日拙為非

尚書作偽心勞日拙

孔安國注云為偽飾巧百端於心勞苦而事日拙不可為

一種雷同獲罪

陸佃埤雅禮曰毋雷

同雷震百里謂之一同

執行故造造者自合流刑囑請貨求求者

元無首從

既同非則當同坐律所謂與者受者同罪是也

前屯營將軍游最犯賊解官乃於懷遠軍攷勲至

上柱國司勳郎中崔侂奏最犯名教不合加勲左

丞批

漢置尚書左右丞
唐左丞判省事

士有百行可以功過相掩

游最素閑武略早習戎昭

吳志呂蒙有武畧魏志龐德戎昭果毅

經述爪

牙之功

毛詩予王之爪牙

忝當心膂之寄

尚書作股肱心膂

不能恪勤

在職

後漢書胡廣恪勤職事

慮慎當懷

禮記君使其臣得志則慎慮而從之

俄擔張

武之職

漢書張武受賂金錢

遽罷絳侯之職

漢書絳侯周勃免就相國

退從里

閑

梁江淹恨賦敬通見詆罷歸田里李善注云馮衍字敬通明帝以衍才過其實抑而不用左思蜀都賦里閑

對出劉淵林注
云閉里門也

屏迹丘園

周易貢於丘園王淵注云
失位無應隱處丘園也

却

掃處長門開閉無事

司馬彪續漢書趙壹
閉門却掃非德不交

舊時廷尉徒

有歲於故人

漢書下邳翟公為廷尉賓客填門及罷門
外可設雀羅后為廷尉乃署其門曰一貴

一賤交
情乃見

昔日將軍終見訶於醉尉

漢書李廣屏居藍田
嘗夜至亭霸陵醉尉

訶止廣曰故將軍尉曰今
將軍尚不得行何故也

因茲結憤

應璩與劉公幹書
識真者所為憤結

展效遑荒申勁節於龍城

北魏書崔浩曰西方胡皆事
龍神故名大會處為龍城

蕩妖氛於鴈塞

盛弘之荊州記鴈塞北接梁州其間東
西嶺屬天唯一處下朔鴈達塞繞度故

名鴈

蒙輪競進

左傳諸侯伐偃陽狄虎彌建大車之輪
蒙之以甲以為櫓楚辭皆競進以貪婪

拔距爭先

劉涓子吳都賦注拔距謂兩人以手相按能拔引之也

將宣百戰之勲

戰國策魏太子過外黃徐子曰臣有百戰百勝之術太子曰願聞之孫武子知彼知己百戰不殆

以贖

九章之罪

漢書蕭何擣撫秦法取其宜於時者作律九章

郎中以往愆名教功

未可收左丞以今振其威勞堪補過曩雖貪財好色未

虧吳起之名

史記吳起歸魏文侯問諸李克克曰起貪財好色然用兵司馬穰桓弗能過也

盜

嫂受金不掩陳平之智

史記陳平居家盜其嫂今受諸將金魏無知曰奇謀之士盜嫂

受金何海浮小芥詎玷洪波

北朴子王交所著文時有疵猶鄧林枯枝滄海流

芥未易貶也十洲記演

玉隱微瑕何妨美寶

淮南子若珠之有類

海無風而洪波百丈

玉之有瑕其小惡不足以妨大美也陸瑁如愚淺見敘與暨豔書此乃漢高棄瑕錄用之時也

錄為宜

主爵二條

左傳晉文公作執秩注云執秩主爵秩之官北齊置主爵郎中唐初屢有改革卒復舊

主爵員外郎

員外郎隋置唐因之

梁璨奏左僕射魏宰無汗

馬勞御史大夫李嘉為佐命功並妄爵也請皆追

奪

䟽茅建社

賈陸國語注䟽除也尚書徐州厥貢惟土五色孔安國注王者封五色土為社建諸侯則

各割其方土與之使立社汲冢周書諸侯建大社於國中其遺謂東青土南赤土西白土北驪土中央冒以黃

土鑿取其方一面上
直以白茅以土封之

剪桐開國

史記成王與叔虞戲剪桐葉為珪以封史佚因

請曰遂封於唐
周易開國成家

隆定鼎於昌基

帝王世記武王伐紂營洛邑而定鼎焉今洛陽

西南洛水北有鼎中觀是也左傳武
王定鼎於郊鄒卜世三十卜年七百

茂勤王之令典

左傳

周襄王出居於鄭狐偃言於晉侯曰求諸
侯莫如勤王左傳為教擇楚國之令典

公侯珪組百

代相仍

孝經援神契二王之后稱公大國稱侯謝靈運述祖德詩臨組乍不繅對珪寧肯分李善注云

組綬屬也繅繫也古者封
爵賜之珪璧執以為信瑞

帶礪山河千秋不絕

楚漢春秋高帝

初封侯者皆賜丹書鐵券曰使黃河如帶泰山若礪漢
有宗廟爾無絕世唐中宗賞張仁愿制宜列河山之賞

式崇帶祗如吳鄧四縣東漢之功臣

後漢書光武大封功臣吳漢鄧禹各

四 蕭曹萬家西京之佐命

東觀漢記高祖功臣蕭曹為首漢書初封公臣大侯不過

萬家小者五六百戶易乾鑿度代者赤允黃佐命宋衷注云赤允謂漢高黃佐命張良也莫不甘棠

敷化光宣召伯之風

毛詩小序甘棠美召伯也召伯之教行於南國

大樹辭榮

獨擅將軍之氣

宋謝惠連隴西行誰能守靜棄發辭榮後漢書馮異謙退不伐每所止舍諸將

論功異獨屏樹下

魏宰智不動俗曾無汗馬之勲

史記晉文

公歸國曰矢石之難汗馬之勞受資

李嘉謀不出凡詎

展饑鷹之效

先賢傳薛勤謂陳仲舉父曰足下育不凡子魏志呂布求徐州牧曹公不許曰譬如

養鷹饑則為用飽則颺去

無功而祿不可勵勲臣無德而官如何煥朝

士周禮以功詔祿以德詔爵左傳無德而祿殃也漢書

為麒麟檀曰今假弄麒麟者必修飾其形覆之驢昔豕

突命賞偽新於是覆亡

漢書王莽篡天下囚奴為兵擊

職滿岳西征賦由偽新之九廟

羊爛封侯更始由其喪

敗

漢書更始時羣小濫受官爵

並為爵人失敘錫土無

綱

禮記爵人於朝毛詩錫山川土田

宜遵操斧之柯

陸機文賦操斧伐柯取則不遠李善

注云此喻見古人之法不遠

豈踵覆車之轍

韓詩外傳不知為史視已成事前車覆後車戒

后漢書覆車之軌其迹不遠

羽林將軍王暢薨無嫡子取姪男龍襲爵庶子告不

合承

父昭子穆千齡不易之儀繼祖承祧萬代相承之道禮

小宗伯辨祧之昭穆鄭元注云祧迂王所藏之廟自始

祖之后父曰昭子曰穆唐書古者譜系所以推序昭穆

得相亂使百世不若骨肉無爽鳴鳩之美克昌禮記文王世子

絕也呂氏春秋父母之於子也子之於父母也此之謂

骨肉之親沈約安陸王碑一德無爽毛長詩傳鳴鳩之

養其子朝從上下暮從下上血屬不同毛詩不屬於毛

平均如一毛詩克昌厥後孔穎達正義云

屬者父子天性相連螟蛉之子何寄陸機毛詩疏螟蛉

屬言稟父之氣也者桑上小青蟲也

嬴土蜂也取桑蟲負之於空中七日而化為其子

王暢名參驍衛

文獻通考漢有驍衛

將軍隋唐以

職綰羽林

漢書武帝初置羽林騎韻府羣玉天有羽林大將軍星故以名

武官俄纏風燭之災

任昉王文憲集序悲纏教義杜甫詩注晉阮瞻元日會親友曰人生如風

中燭樽酒何必拒其滿

近絕蒸嘗之嗣

爾雅秋祭曰嘗冬祭曰蒸郭璞注云嘗新谷進品物

也棄其庶子收彼姪男意既不保其家

吳志諸葛瑾之子恪瑾謂非保

象之子每憂戚

神必不歆其祀

左傳神不歆非類民不祀非族

故荀顗令君

子之子

魏志荀彧字文若號荀令君為尚書令晉書荀顗字道明彧之子為侍中三禮圖君子者大夫

公之子之

珠玉相輝

後漢書孔融謂韋元將兄弟為數珠吳志孫權謂諸葛恪為藍田之

玉 按荀或為尚書令顗為侍 韋元成丞相之苗 史記

中子能繼父是為珠玉相輝 韋賢

位至丞相第二子元成亦至丞相應 芝蘭連茂 劉義慶

幼漢官儀大司徒李固公族之苗 世說謝

太傅問子姪何預人事車騎荅曰譬如芝蘭玉樹使生

於階庭 按賢及其子元成俱位至丞相是謂芝蘭連

茂 枚臯孽子不廢光門 漢書枚臯者乘小妻之子也上

曰裴秀旁生無妨貴族 晉書裴秀清俊母早賤大母每

孽 賤人也客曰當為子故大母知之竟不復 三鱣之室銀

使毛詩苞有三孽注云孽旁生萌孽也

黃所以挺生 後漢書楊震有鶴雀啣三鱣集堂前都講

舊注云震后四代三公皆佩銀黃事文類聚楊璞 七貂

懷銀黃垂三組誇鄉里注云銀銀印也黃金印也

龍筋鳳髓判 六

之門金紫於焉間出

晉左思詠史詩七葉珥漢貂三輔故事金日磾有忠勤之節七葉侍

中漢官儀侍中左貂右蟬事文類聚蔡澤謂其御曰懷黃金之印結紫綬於腰四十三年足矣漢官儀御史大夫

夫金印紫綬漢書公孫弘贊異人間出

側男自須紹胤

按側男側室之子妾出也

猶子

不合承宗

禮記兄弟之子猶子也

詐襲者處以徒刑應續者宜從

改正

戶部一條

戶部雖地官之任考其緣襲合出於度支度支計筭之官本周禮之司會云

戶部侍郎

隋置民部侍郎唐改戶部廟諱故也

韋珍奏稱諸州造

籍脫落丁口租調破除倍多常歲請取由付法依

問考使皆言春疾疫死實多非故為踈漏

虞書五教實委司徒之官

虞書舜典契作司徒敬敷五教在寬

周禮六卿

爰開地官之位

吳澂周禮注六官之長為六卿鄭元周禮注象地立官地者載養萬物文獻通

考初戶部居禮部後武后改置天地四時之官以戶部為地官由是居禮部前

莫不織成都邑

禮記詩云國家編緝昉黎晉書百姓歌以寧都邑以成

設九土之綱維

宋玉登徒子好色賦周覽九土李善注云九土九州之土後漢書為國綱維

成四方之管轄

詩話管以冒輟轄以鍵輪二者金為之

班固申犬牙之制

班固漢書高帝王子弟地犬牙

相制釋義云言境土交接若犬牙不正相當而相銜入也

疆場綺分

班固西都賦堤封五萬疆場綺

分應璩論馬齒之規

應璩詩九州相錯雜相次如馬齒

井田鱗次

班固西都

賦溝塍刻鏤原隰龍鱗李尤辟雅賦擗羅鱗次

戶標九等

唐制九等攸辨百姓以親

俱陳萬

國之圖

左傳禹會諸侯於塗山執玉帛者萬國

人有十倫

按左傳人有十等禮記祭有十

倫此一句合二處而成

並掛三年之籍

周禮三年則受國之比要鄭司農注要謂其簿賈公

彦疏云簿若今之造籍戶口田宅俱陳於簿也

豈容丁口脫漏任意踈遺租調

破除恣情抽減

新唐書食貨志租庸調之法以人丁為本開元以后戶籍久不更造人丁轉死

田畝賣易貧富升降不實

遂使殷庾頓乏

石氏星經天倉六星在婁南倉穀所藏南三星天庾

積厨之所帑藏皆空

東觀漢記更始至長安帑藏安堵如故許氏說大帑金帛所藏也天文要集離

珠為藏府在須女北
天積者天子藏府也

軍興於是缺支國用由其不足付

法科罪仍敢薄言依問款辭咸推違厲

鄭玄周禮法厲
疫氣不和之疾

也

否終則泰造化之常圖福謙害盈幽明之極數

此以
周易

理數推之疫
死事亦必有

魏文帝修書永嘆念親故之凋亡

魏文帝
與吳質

書昔年疾疫親故多罹其
災徐陳應劉一時俱逝

劉孔才矯制徵兵促黎元之

殘喪

魏志劉劭字孔才著人物志百
篇其曰矯制徵兵未詳其事

薦臻不息僵弊相

仍遽利人符

釋氏辨正論運詐修短雖曰
天命興替延促仰亦人符

多編鬼錄

魏文

帝書觀其姓名已為鬼錄

生者固疑存附死者難以執留災異不拘

案宜從記

工部一條

周禮冬官其屬有考二掌百工之事至隋立工部尚書唐因之

工部員外郎趙務支蒲陝布供漁陽軍幽易絹入

京百姓訴不便務款布是麤物將以供軍絹是細

物宜貯官庫

趙務鳴鶴登朝

周易鳴鶴在陰其子和之劉涓子魏都賦注近世王者聽政殿後有鳴鶴堂梁蕭

子顯日出東南隅行十五張內侍十六賈登朝

含鷄伏奏

見上考轉筋之敏未功條注

見稱奇

西京雜記曹元劉善算回筋知二國之粟不差升斗也

聚米之能無聞播

美

後漢書馬援聚米為山谷光武謂虜在吾目中笑

張倉之善算國用詎肯留

情

漢書張倉為計相善算故令主即國上計

馮勤之巧計軍儲曾何介意

後漢

書馮勤八歲善計注

迴長作短異趙達之精心

吳志趙達周思

精密治九宮一算之數無不中效

變近成遙殊顧譚之屈指

吳志顧譚為節度每

省中書未嘗下籌徒屈指心計盡發疑謬

蒲陝之布却入漁陽幽易之鱣

韻書

縑細絹也

反歸關隴同北轅之適越

釋氏卜門辯惑論北轅適越相去不亦新遙哉

是猶適越者指沙漢而遵途

類東走之望秦

淮南子狂者東走逐者亦東走東走則同所以

東走則異釋氏甄正論方悟非狂東走之弊

人之情予緊獨無也

左傳緊我獨無注云

繫與抑同語詞也兵遲與陳伯之書云將軍獨無情哉

細絹稱以納庫麁布貯以

充軍非直運者苦勞抑亦兵家賈怨宜從削黜

漢韋孟諷諫詩

輕此削黜

以肅愚頑

倉部二條

倉部即周禮倉人之任也魏晉而下並有倉部郎中唐因之

倉部郎中胡敬稱內外官祿准令據階級有費倉

儲望請準見任官品級極為裨益未知可否

冰霜凜冽白壁不可以禦形水旱災危黃金不可以適

口韓詩外傳黃金白壁寶之至也漢書晁錯曰珠玉金銀鐵不可食寒不可衣明君貴五穀而賤金玉故

饑者念食不崇抵鵲之珍寒者思衣不貴靈蛇之寶

文子

聖人食足以充腹接氣衣足以蓋形禦寒漢桓寬鹽鐵論南越以孔雀珥門戶崑山璞玉抵鳥雀魏曹植與楊德祖書人人自謂握靈蛇之珠洞冥記塗云國有青蛇產珠色光白珍臺間館不可以無

膳而存

揚雄甘泉賦天子穆然珍臺間館

金城湯池不可以無粟而守

韓非子金城湯池非粟不守漢書神農之教曰石城十仞湯池百步而無粟弗能守也祇如給祿

給俸具在朝章准階准官俱編甲令豈容諂佞之輩曲

路邀名趨競之徒僻塗生巧

言祿俸官階有定制不可妄求而得

窺測人

主汲黯由其面折

漢書汲黯好面折

割剥黎元桑羊以之腰斬

漢書桑弘羊籠盡天下之利時求雨卜式曰烹弘羊天乃雨

我國家咸有一德

尚書惟尹

躬暨湯咸

法無二門

管子權不兩錯政不二門

動必依繩

毛詩其繩則直孔穎

達正義云依此繩直起而築之文子聖人以仁義為準繩中繩之謂君子不中繩之謂小人

言不踰

矩論語所欲不踰矩矢馬融注云矩法也比成王之制度令出惟行

尚書周官云王

考制度曰慎乃出令

則大舜之溫恭朕言不再

尚書舜典云溫

恭允塞大禹謨

胡敬識非稽古

尚書若稽古帝堯東觀漢記郭丹稽古含經

學未知今

後漢書馮異遺李軾書云愚聞明鏡所以照形往事所以知今

作聰明而亂

舊章

尚書無作聰

恃薄才而隳正法南山之峻寧資覆

明亂舊章

簣之饒

楊炯少姨碑北臨恒碣猶如聚米南望荆衡

東

海之津何藉操瓢之潤

見上門下省條注

請仍舊貫

論語仍舊貫鄭元注

云貫

無替前規

王儉褚淵碑自此厥後無替前規

按

以補之當因舊事以守定法

滄瀛等州申稱神龍元年百姓遭水奉旨貸半租

供漁陽軍許折明年又遭澇免無租可折至三年

百姓訴州以去年合折不計百姓不伏事

滄瀛等州頻遭水澇泥牛轉盛澇沛成河

廣州記鬱林郡有石牛歲

旱泥背即雨洗
背泥盡即晴

石燕爭飛霖霖變浦

湘中記零凌山有石燕得風雨則飛

如真燕

當時奉旨令貸半租此日蠲科仍聞款訴准旨有

明年之語據條無三年之文以此狐疑

楚詞注狐多疑而善聽河水始

合聽其下不聞水聲乃敢過

莫能龜決

史記決定諸疑斷以著龜

明年復滂乃是

折空後歲總徵元無折處菖蒲去蚤虱而蚰蜒竟來

淮南

子昌羊去蚤虱而來蚰窮除小害而致大賊注云昌羊菖蒲也蚰窮蚰蜒入耳之虫也

礮石止齧

痛而牙根遂折

陶宏景本草注礮石以療牙痛多即裂齒是傷骨之證而云堅骨齒誠為疑也

○按礮藥名有青黃白黑絳五種齧齒齧也元年許折明年無租可折乃是折空至三年乃合前二年總徵是

謂元無折處夫許折若小便而總所益全少所損愈多
徵乃大害故以菑蒲磐石事喻之

徵一丁之半租招百姓之深怨是則國家之信不及於

豚魚

周易中孚豚魚吉孔穎達正義云信發於中謂之

微隱之物信皆及矣王者之仁不流於行葦毛詩小序

也周家忠厚仁及草木瑞應圖得原失信文公之所不

為左傳晉侯圍原命三日之糧不降命去之謀出曰將

以庇獻鼎棄言展季由其未許劉向新序齊攻魯求岑

以為是請受之柳下惠難之魯乃以真岑鼎往柳下惠
可謂守信矣釋義柳下惠姓展名禽字季居柳下而施

德惠因以為號有家有國乍可去食而去兵論語去兵去食無信不立孔安國注

云治邦不可失信大車小車不可無輓而無輓論語人而無信大車無輓小車

無輓邢昺疏云此為無信之人作譬也譬如洞庭之嶼彭蠡之湖添隻鴈

不為之多去雙鳬不為之少陸佃埤雅揚雄云江湖之崖渤澥之島乘鴈集不為

之多雙鳬飛不為之少言雙鳬乘鴈未足以為增損也蓋謂國家大矣一州之租或折或徵何足計也詎宜

失信貨藏天下何必前徵而後徵物寄人間終是楚弓

而楚得韓詩外傳晉平公藏貨之臺燒公子晏賀曰臣聞王者藏於天下今天降災於藏臺君之福也

家語楚共王出遊亡其烏號之弓左右請求之王曰楚人失弓楚人得之又何求焉蓋謂租本國家之租在

民在官一也何必
徵之民而藏之國
元貸未折許折還徵渙汗發而却收

周易渙汗其大號漢書劉向封事云號令
如汗汗出而不反今出令而反是反汗也
絲綸抽而復

返
孔穎達尚書正義序
四方取則百姓何憑政在養民

理從矜折
益謂王者之令天下之所法程而民依憑之
矧國家以養人為本也據理自當矜憫准折

正
方為



龍筋鳳髓判卷一

欽定四庫全書

子部
龍筋鳳髓判卷二

詳校官中書_臣金應琦

員外郎_臣牛稔文覆勘

覆校官中書_臣方大川

校對官助教_臣卜維吉

謄錄監生_臣劉本立

欽定四庫全書

龍筋鳳髓判卷二

唐張鷟撰

明劉允鵬注

禮部二條

禮部周之春官也魏晉而下置祠部至隋而為禮部尚書唐因之

禮部奏海州朱鴈集岐州奏白麟見及薦郊廟二

項俱無空信州申未知合附以否

典朕三禮大舜委於姜夷

尚書舜典云有能典朕三禮
僉曰伯夷孔安國注云天地

各之三禮伯夷臣名姜姓

分勅六卿成王任於宗伯

尚書成王作周官曰六卿分職

宗伯掌邦禮

建茲歲首

梁元帝纂要正月孟春亦曰首歲

實曰春官

鄭元周禮注象

春所立之官也

敦敘九族之親

尚書皋陶謨曰惇敘九族孔安國注云九族高祖至玄孫之親

也 欽若五常之教

尚書敬敷五教孔安國注云五教五常之教也

祀地郊天之

典舉其宏綱朝日夕月之儀撮其機要

周禮兩圭祀地四圭祀天郭璞

天地圖讚天地肆瘞郊天致禋賈誼新書三代之禮春朝朝日秋暮夕月所以明有敬也孔安國尚書序舉具

宏綱撮其機要

岐州俯鄰八水

戴延之西征記關內八水涇渭灞滻潏潏澧瀉

斜瞻嶺

鷺之峯

國語周之興也鷺鷥鳴於岐山

海部近控三山

王子年拾遺記海中三山形如

壺謂方丈蓬萊瀛洲

迴瞰鯨鯢之穴

許氏說文鯨海大魚也雌曰鯢雄曰鯨庾闡海賦鯨鯢鱣

而乍見木華海賦或
屑沒於鼃鼃之穴

陳敬所奏瑞鴈翻朱薛泰申文祥

麟孕素

此說本題朱鴈白麟也漢書武帝行幸東海獲
赤鴈幸雍祠五時獲白麟作朱鴈白麟之歌

絕丹霞於日羽晃若朝輪

此形容瑞鴈翻朱毛甚詩傳
絕赤色貌家語赤羽若日列

子日出
如車輪

晶白雪於霜毛皎同秋練

此形容容祥麟孕素孔
雅圭北山移文度白

雪以方潔鮑照舞鶴賦壘霜毛而弄
影束哲餅賦弱如春綿白若秋練

既無狀驗空有奏

章尋鳥跡於雲空

釋泥洹經如鳥飛空足跡難尋大般
若經如空中鳥跡無所有不可得

察人形於水鏡

道藏定觀經若水鏡之為鑒則隨物而
現形釋金光明經譬如水鏡依於光故

空影得現種種異相空者即是
無相按二句是言無實跡

刻猿猴於棘刺尚切見

欺

韓非子燕王好微巧衛人曰能以棘刺之端為母猴王曰何以理之曰以削王欲觀削客因逃人謂王曰

言談之士多棘刺之說

說蠶繭於天公誰堪輶信

漢武內傳東方朔曰臣嘗上天

天公謂下方人何衣曰衣蟲何若曰啄類馬色類虎名曰蠶今陛下苟以為詐願使人上天問之。按猴蠶二

事證無

語同捕影不可誣神狀等繫風如何薦廟

此正言無

實也漢書繫風捕影終不可得

管窺其事

見上卷門下省注

案記為宜

于旦奏孝門舊多偽作祥瑞並請破孝門勒從課

天地所生人為萬物之貴

孝經天地之性人為貴列子天生萬物惟人為貴

人

倫所重孝為百行之原

孝經人之行莫大於孝唐玄宗孝經序雖五孝之用則別而百

行之原
不殊

昔傳曾閔之名

蕭廣濟孝子傳閔損曾參門徒之中最有孝稱今言孝者莫不

本之
曾閔
今有荀何之譽

初學記傳元著書稱荀最何曾曰文王之道事其親者古稱曾閔今

有荀
孝通厚載則白兔呈休

後漢書方儲幼喪父事母母死乃負土成墳種奇樹

千株白兔
游其下

孝感圖穹則丹鳥結慶

華陽國志孝子吳順養母赤鳥巢其門

于旦巡省風俗敷暢皇猷未聞沮勸之方

左傳賞罰無章何以沮勸

遽表澆浮之迹舊蒙旌表

尚書旌別淑慝表厥宅里魏收後魏書楊引母終哀毀過

禮追服父斬衰有司奏旌其門王列之安成記孝子符表以孝聞天下母有疾將絕至慟成咽母沒亦沒太守

樹雙闕以
表其墓

今請剔除詐濁不逮於詐清慕善猶愈於慕

惡

晉書張湛端嚴好禮人或謂湛為詐湛笑曰人皆詐惡我獨詐善不亦可乎

豈可以已無

仁不信仁者之行仁以已無孝即疑孝者之非孝蠻貊

之國尚難或容父母之邦如何自處靡閑大禮

史記宋睹大體

好舉微疵

淮南子人舉其疵則怨人

事既不然若為通允

祠部二條

東晉而下皆有祠部即唐改為祠裡大夫尋復舊延載元年制天僧尼隸焉

祠部郎中

舊惟稱祠部郎唐置郎中

孫佺狀稱往年度人多用

財賄遞相囑請元無經業望更銓試不任者退還

本邑

國之大事在祀與戎

左傳文

人之所崇惟仙與佛

北史張融曰道

之與佛遙極無二昔鴻飛天首越人以為鳬楚人以為鴈人自楚越鴻常一耳

伏自恒星夜隕

春秋莊公七年夏四月辛卯夜恒星不見夜中星隕如雨瑞應經四月八日夜明星出佛從右脅墮地即行七步

吉夢宵傳

初學記漢夢金人傳毅以佛對帝遣使往天竺得佛經及釋迦像自後佛法遍於中夏

既脫醉象之蹤

涅槃經阿闍主令醉象蹋佛佛舒五指遂為五獅子醉象醒懼而退

爰開

白馬之寺

初學記漢明帝立精舍以處摩騰即白馬寺也名白馬者相傳天竺有招提將毀之有一

白馬繞塔悲鳴即停毀后改招提為白馬諸處多取名焉

明須慈悲結慮忍辱疑懷

法華經慈悲為室柔和忍辱為度

坐鵠珍以勤誠

佛經佛說法有鵠投坐下佛看見是一鴈

驅來乃割肉護鵝珠而守戒

釋典人有珠僧見鵝吞其珠疑僧竊竟受誣罪

終護鵝不說吞珠

指法場之門戶豁爾天開

高僧傳僧督得禪法要遂精練五門

郭璞江賦豁若天開

導智海之波瀾渙然冰釋

維摩經不入煩惱大海則不得一切

智寶杜預左傳序渙然冰釋

如此之行業

後魏釋老志凡說教大抵言生生之教皆因行業

乃出乎塵囂

楞嚴經女修三昧本出塵勞偷心不除塵不可出左傳湫隘囂塵

豈容闡

提末品

白居易與濟法師書佛以無上大慧觀一切衆生知其根性大小不等而以方便智說方便法

故為闡提楞伽經闡提有二種一者捨一切善根二者菩薩本自願方便

沙彌淺學

釋氏要覽僧落

髮後稱沙彌華言為息慈謂安息於慈悲之地又謂息慈行慈也

不精不進

李相經佛年十九出

家學道勦
行精進

曾無羅漢之因

四十二章經辭親出家解無為法名曰沙門進志清淨成

羅漢沈約佛像
銘積因成業

行囑行賕

此言本題連相囑請廣韻囑付也託也賕音求許氏說文

以財枉法
相謝也

翻習檀施之業

杜甫詩注梵語檀波羅密華言布施合華梵之言而云檀

施
四分十誦

隋書經籍志天竺沙門鳩摩羅什譯十誦律佛陀邪舍譯四分律為小乘之學

本自面墻

尚書不學面墻焦氏易林豫之坎墻高蔽日

六度三昧

玃應經行六度維摩

經佛身從

舊來膠柱

史記膠柱鼓瑟抱朴子第琴不可膠柱調也

為鷄為鶩

楚辭鷄鶩爭食傳燈錄

玷鶴樹之清風

王融法門頌鶴林雙樹實積經

擾擾匆匆晨鷄暮鐘

佛在雙樹涅槃樹本四株清葉佛涅槃
后合為雙樹葉如白鶴蓋樹亦涅槃也

如虺如蛇
毛詩維虺

維蛇宗門統要凡聖同居蛇龍混雜釋氏通鑑釋明珠
撰蛇勢法以授學者因同伴二人止一林下乃化作蛇
時諸蛇總至相穢龍宮之妙法佛書佛土名淨土當清
淨自然無一切雜穢纂
隨趨谷而去
靈記華嚴大經龍宮有三本佛滅度六百年有龍樹
菩薩入龍宮誦下本十萬偈四十八品傳流天竺
鑄
擇偽濫解退為宜

大雲寺僧曇暢奏率僧尼錢造大像高千尺助國
為福諸州僧尼訴云像無大小惟在至誠聚斂貧
僧人多嗟怨既違佛教請為處分

泥洹歸靜

隋書經籍志佛以二月十五日入涅槃
亦曰泥洹譯言滅度亦曰常樂我靜

涅槃

入寂

多心經注涅槃乃不生不死之地一切修行之所世人誤以為死大非也維摩經注寂謂寂滅常靜

之法初不滅故現滅以歸空

僧肇論小乘以三界熾然故滅之以求無為大乘觀

法本自然今何以滅乃真寂滅法華經如來生於種種之地所謂解脫相離相滅相終歸於空道本無

生故因生而不用

六祖壇經五祖傳偈曰有情來下種因地果還生無情既無種無性亦無

生後魏釋老志凡為善惡必有報應經無數形操煉神明乃致無生而得佛道也

十大弟子憶

妙覺之微言

法華經佛來出家時有十大弟子皆舍所珍往詣佛所佛地論佛者覺也如夢覺故

名為佛僧肇論采微言於聽表

八部龍王禮如來之雙足

法華經鈔世尊於靈山會

上為諸大衆說經天龍八部咸悉歡喜法華經有龍王各禮佛足傳燈錄佛滅後迦葉至雙林樹間號泣佛於

法藏碎金本覺為如今覺為來故曰如來
象牙塔廟

刻畫真容

華嚴經六牙白象王菩薩布施齒成最勝塔
佛祖統記晉永寧元年扶南國進象牙塔大

悲經佛說我滅後有為我造立塔廟當得涅槃果諸經
要集昔優填王初刻旃檀波斯匿始鑄金質皆現寫真

容工圖

牛頭旃檀雕鏤寶相

增壹阿含經優填王以不
見如來即以牛頭旃檀作

妙相

相高五尺華嚴經牛頭旃檀香從離垢山生若以塗身

火不能燒釋氏通鑑梁武帝普通元年扶南國獻旃檀瑞

相王巾頭陀寺碑金資寶相李善注引金光明經

云如來之身金色光明熾盛猶如無數真寶大聚祇如

垂儀設教

李善文選注儀謂法相之也傳燈錄大安寺
壁畫高僧真儀杜甫詩方知象教力注云如

來既化諸大弟子刻木
為佛以形像教人也

豈以廣大自矜

謂本題造大像
高十尺也佛道

論衡不達圓化之道
各矜其一方者耳

抽道俗之筋髓

謂聚歛僧尼錢

暗凡庸之

耳目

謂造大像蒙蔽世俗人聞見也

論其壯也釋迦文之清液納海吞江

李石續博物志佛者本號釋迦文即天竺釋迦魏國王之
子有三十二相華嚴經猶如大海吞納眾流左思吳

都賦或吞江而納漢

語其高也盧舍那之形象包天括地

佛經音義盧舍

那梵語此云徧照以報佛淨色徧周法界也又日月光徧周一切處亦名盧舍那佛祖統記盧舍那者此云淨

滿諸惡盡故淨萬德圓故滿亦云光明徧照唐咸亨三年
初洛陽龍門山錫石龕盧舍那佛像高八十五尺十

門辯惑論井蛙樓梵莫辯括地之深澤鵠搶榆詎識垂天之廣

乃法身之自在

無量壽經佛變

觀自在或現大身滿虛空中或現小身丈六八尺第一
義法勝經若身自在云何後時得不自在經律異相他

化自在天宮王名自在獨得自在身長十六由旬傳燈錄龍樹尊者得法後至南印度於座上現自在身如滿月輪。言釋迦文之壯盧匪人力之堪為孟子人力不

舍耶之高乃法身自在也

匪人力之堪為

至於此。其

壯之納海吞江高之抱天括地匪人力堪為也

赤燖似彈能燒萬頃之波

許氏說文

燖火飛李白明堂賦赤燖掌火緯書天有五常南方火帝名赤燖怒後漢書汪汪若干頃陂

白月如

盤獨耀四天之下

韓愈月蝕詩月形如白盤玄裴西域傳月盈至滿謂之白分虧至晦謂之

黑分長阿含經黑風吹海漂出日月照四天下

大鐘千石藉小木而方鳴

司馬相如

上林賦撞千石之鍾王巾頭陀寺碑洪鍾虛受無來不應李善注引學記云善待問者如撞鍾叩之小者則小

鳴叩之大者則大鳴

高屋萬間待微燈而破暗

杜甫詩傳燈無白日注云釋氏以燈

譬喻謂能破暗也法華心方一寸經營宇宙之先成佛心要

集如來所說真心實性論云聲目濶數分歷覽虛空之

外前世三轉經佛坐虛空而為說法道藏經老君第三十四化至舍衛國自化作佛身長百千萬丈徧滿虛

空何必大者則聖小者不神自赤燄似彈以下皆是形容小而能大之義摠此二

句結此頑僧之褊情左傳心不則德義之經非達士之

深見三昧經集諸達士淨三界行雖佛在虛廊之上不

居空木之中釋法琳破邪論諸佛大人遊涅槃之妙苑

處撥形同法性壽等大虛但應物現身如水月中月所以

翟師見三尺之貌羅漢觀丈六之容大滿虛空小入絲

髮隨緣應質
化無常儀

何用聚怨為形斂悲成像

此言題中人多嗟怨也

大

推初意實是不然

此言違佛教也

小人之言宜從案記

主客二條

主客之職周有之漢置客曹尚書主外國夷狄隋為主客郎又改司蕃郎唐復改主客云

鴻臚寺中土蕃使人素知物情慕此處綾錦及弓

箭等物請市未知可否

一人有慶

尚書呂刑文

四海無虞

尚書畢命云四方無虞傳物志七戎六蠻九夷八狄

形類不同總謂之四海言皆近於海也

萬國於是星馳

左傳禹會諸侯於塗山執玉帛而朝

者萬國揚雄甘泉賦

八方由其霧濤

河圖龍文鎮星光明八方歸德表淑

八荒協兮萬國諧

效白馬篇八方湊才賢賈逵國語注
湊聚也揚雄甘泉賦霧集而蒙合
烏孫合種漢書烏

域諸戎其形最異狀
咸鴈集於鴻臚楊雄解嘲乘鴈集

類獼猴者其種也
考周官有象胥秦有典客漢初為連敖後改
鴻臚鴻臚聲也臚傳也傳聲贊導故曰鴻臚
犬族振羣

汲冢周書成王時犬戎獻文馬
孔晁注云犬戎西戎之遠者
並蜂歸於蠻即漢書蜂

古注云衆多也晉灼漢書注蠻
夷即長安內即謂傳舍也
眷彼茅宇未詳開此藁街

左思魏都賦藁街之即不能及三
輔黃圖蠻夷即在長安城內藁街
即崇三揖之儀張衡

賦天子乃以三揖之禮禮之周禮王見諸侯土揖庶姓
時揖異姓天揖同姓鄭元注云土揖推手小下之也時

揖平推手也天揖
推手小舉之也
爰設九賓之禮史記荆軻至秦秦王

龍筋鳳髓判
九

見燕使者韋昭漢書注九賓則周禮祗如土蕃使者實

九儀謂公侯伯子男孤卿大夫士也

曰苜蓿新唐書土蕃本西羌屬居析支水西邛邛邰與陳伯之書苜蓿豪猜貳○此明本題土蕃使人乃渠

率也蒙遜沮渠之苗

晉書沮渠蒙遜其先世為匈奴左沮渠蒙遜以官為氏焉

孤之族

晉書秃髮烏孤河西鮮卑人其祖在孕母因寢而產於被中鮮卑謂被為秃髮目氏馬至烏孤

嗣位自稱西平王

占風入謁

十洲記武帝征和三年月氏國使者曰東風入律百旬不休中國必

有好道之君故貢神香陛下反不知真是臣國越駝嶺占風之謬矣王應麟玉海候月歸琛占風納賈

而輸誠

異苑西域苟夷國山上有石駱駝腹下就日來出水得飲之令人身體香淨而遇仙

朝

大戴禮宰我請問帝堯孔子曰就之如日望隔廬山之如雲符瑞圖日二黃人守者外國人來降

而納款

北史烏菟國有檀特山山上立寺以驢數頭運食山下無人控御自知往來也

觀鶴

綾之絢爛

梁庾肩吾謝賚綾啓國雲緋鴻鄴市希逢

彩映冰霜

王子年拾遺記東海員嶠

山有冰蠶以霜雪覆之則為繭其色五彩

觀鳳錦之紛葩

鄴中記御史府中有鳳凰錦

光

含日月

王子年拾遺記嶠支國貢列堞錦文似雲霞覆於日月

彎弧六合

鮑照詩彎弧不

解張張勃吳錄揮觀弧星始制弧考工記弓人為弓取六材秋合三材則合鄭元注云合堅密也

犀角

麋筋

郭璞毛詩拾遺象弭者弓之別名謂以象牙為弓今西方有以犀角為弓者列女傳此弓幹生泰山

之阿傳以燕牛之角纏以荆麋之筋粘以河魚之膠

勁箭三同

司馬相如子虛賦右夏服之勁箭考

工記矢人凡相筈欲生而搏同搏欲重同重欲䟽同䟽欲臬賈公彥疏云臬義取堅實

星流電激

周禮司弓矢有柱矢春秋考異郵柱矢精壯如流星班固答賓戲風颺電激太公六韜電影矢青莖赤羽以銅首聽其市取實可威於遠夷任以私收不足損於中國

宜其順性勿阻蕃情

可其請市

波斯崑崙等舶到擬給食料已前隱沒不付有名

無料虛破官物請停

唐書南海歲有崑崙船市各國琛琲象牙犀角

扶南雜種

晉書扶南王本是女子字葉柳有他國人混淆者夢神賜之弓又教載舶入海遂至扶南

葉柳禦之混淆舉弓葉柳遂降納以為妻而據其國邱遲與陳伯之書姬漢舊邦無取雜種

安西諸

國

安西都護府治四州後徙治高昌故地又徙治龜茲都督府

跨險憑危梯山航海

飛鯢走浪望鼠島而三休

韻會脩鯢吳大舟名十洲記南海中有炎洲洲上有火鼠

毛可大舶參雲指麟洲而一息

韻會蠻夷汎海舟曰舶述異記西海有鳳麟洲

上多麒麟鳳凰因名麟洲鳶波象郡萬舳爭先

後漢書馬援曰當吾在浪泊西里間仰視

飛鳶點點墮水劉涓子吳都賦注象郡今南郡也又有象林郡韻會船方長為舳艦漢武帝南巡舳艦千里禮記上好仁下之烏許狼脬千艘競進

劉涓子吳都賦注烏許南夷別名也

其落在深山之中狼脬人夜襲金知其良否許氏說文艘船總名蕭方三十國春秋芙蓉艦千餘艘。按波斯判止此其餘脫失游賊滿山云云乃禁酒事當別是一判又按文獻通考晁氏曰張鷟八中制科書判凡一百首今本止七十餘首游賊滿山刑人半市

楊雄廷尉箴寇賊歸山刑

者半督郵從事猶密興於私門

世說桓溫有主簿善別酒好者謂青州從事惡

者謂平賢者聖人尚潛行於暗室

魏畧太祖禁酒竊飲者難言酒以白酒為

賢者以清飲德何負徒發孔融之譏

九州春秋曹公制酒禁孔融以書嘲

之曰天有酒旗之星地有酒泉之郡人有旨酒之德竟不千鍾何以致太平孔非百觚何以堪上聖酒何負於

政淫具未除終獲簡雍之誚

蜀志先主禁酒吏於人家索得釀具論罰簡雍同先

主游見一男子曰彼欲淫何不縛先主曰何以知

利存

禁酒之法害遠鬻酷之家楚國之孫禍連林木

淮南子楚王亡

其猿而林木為之殘許甚注云猿依木故殘林以求之

吳宮之燕殃及樓臺

虞氏家記

吳白門闔閭作至秦始皇時守宮吏所喪全多所存詎以火燭燕庶失火燒宮而此樓故存

幾理貴崇乎梗槩政無伺於禁虛位人之方居斯而已

按此判不知何題且逸其前半據今多言酒事姑注之以俟考補

兵部

周禮大司馬即今兵部之任也隋置兵部尚書唐龍朔二年改為司戎大常伯咸亨元年復舊

兵部奏默啜兵入趙定却取幽州居庸呈出都督

梁亶牢城自守不敢遮截請付法依問得擬古之

用兵全軍為上

孫武子用兵之法全軍為上破軍次之

亶既全幽州

城不合有罪

兼弱攻昧武之善經

尚書仲虺之誥云兼弱攻昧左傳

有兼弱之智蜂有攻寡之計

在祀與戎國之大事

左傳國之大 皇天

震怒發雷電以申威

尚書泰誓云皇天震怒命我文考肅將天威金縢云天大雷電以風

王泣曰今天動威孔穎達疏云天動雷電之威離兵書雷電破軍中樹木屋舍者忽徙去吉地雷電風折來不

可逆而擅伐宜慎之

王者矜殘用干戈而肅令

尚書天矜于民今商王受以殘害于

爾萬姓嗟我友邦冢君稱爾戈比爾干予其誓史記神農氏哀諸侯相侵伐於是軒轅習用干戈以征不享諸

侯咸來賓從

蠢茲日逐

毛詩蠢爾蠻荆漢書日逐王將眾來降

最爾天驕

韻書最小

貌漢書胡天之驕子

苞玉塞以疏江

晉書禿髮傳論云控茲玉塞唐楊巨源詩玉塞含凄戒鴈

行注云河西有玉門關故曰

控金微而作鎮

通鑑竇憲以北匈奴

微弱欲滅之圍金微山一統志金微山在韃靼國中杜祐通典貞觀二年缺勒九部大酋領卒降置金微都督

府張衡西京賦作鎮於近

韋講毳幕射多食鼠之夫羶肉酪漿俗負

乘羊之貨

李陵答燕武書韋講毳幕以禦風雨羶肉酪漿以充饑渴史記匈奴傳云兒能乘羊引弓

射鳥鼠少長則鴟鴞萬路憑陵燕趙之郊狐兔千羣撓射狐兔用為食

亂并幽之地

晉書四夷論云振鴟響而挺災毛詩鴟鴞鴟鴞無取我子注云鴟鴞惡聲鳥也揚雄

幽州歲六國擅權燕趙本都潘岳西征賦狐兔窟於殿傍虞義詠北伐詩涼秋八九月敵騎入幽并李善注幽

并二州名按四句正言默歟兵入趙定取幽州居庸也朝野僉載唐長安二年九月一日太陽食盡默歟兵入

并州至十五日夜
月食盡兵並退

梁亶忝司金鼓

左傳金鼓以聲氣也
孫武子言不相聞故

為之
金鼓謬掌銅符

漢書文帝為銅虎符注云當發
兵遣使至即合符合乃受之

既典軍

容兼知州務理須擊蛇作陣

晉書初諸葛亮造八陣圖
魚復平沙之上累石為八

行行相去二丈桓溫見之謂此常山蛇勢也孫武子善
用兵者如常山之蛇擊首則尾應擊尾則首應擊其中
則首尾
俱應
列鶚為軍
初學記列子黃帝與炎帝戰以鶚
為為旗幟蓋旌旗之始也漢書注

孟康云鶚大鵬也師古云鶚擊之鳥
鷹鶚之屬益大而鶚者耳非鶚也

驅貌貅而掃蚩尤

通鑑外記軒轅教貌
貅誅蚩尤於涿鹿

縱熊羆而撲獬豸

尚書牧誓云如
熊如羆孔安國

注云熊羆猛健欲使士眾法之毛詩獬豸之
故毛萇傳云北狄也鄭元箋云今匈奴也

山陵向背

握元女之靈符

孫武子用兵之法高陵勿向背邱勿逆又曰邱陵隄防必處其陽而右背之此

兵之利地之助也魚龍河圖黃帝不能禁蚩尤乃仰天而嘆天遣元女下授信神兵符制伏蚩尤魏曹植仙人

篇與帝合靈符郭璞九尾

日月虛空操黃公之秘術

孫

孤贊作瑞周文以標靈符

孟子疏孤虛之法以一畫為孤無畫為虛二畫為實以

六十甲子日定東西南北四方然後占其孤虛實而向

背之即知吉凶矣史記張良遇老人授書一篇曰讀是

則為帝者師后十三年子見我濟北穀城下黃石即我

視其書乃太公兵法也文獻通考黃石公三畧下

却神人撰此即犯上老人以一編書授張良者 豈得

拙於對寇怯於用兵擁堅甲以自防坐重城而固守不

存邀截故縱奔馳脫翔鳥於高林送遊魚於深水

老子魚不

可脫於淵世說桓南郡與殷荊州共作危語殷曰投魚深淵放飛鳥無心捉鵩掛網而

還飛

列仙傳季仲甫夜卧或為鵩後至巨山上候北風當飛渡南海山上有羅鷹者羅得鵩視之仲甫也

留三年自云往崑崙曹植責躬詩舉掛時綱

有意寬疎鼠入橐而重出

晉陽秋區

張作鼠市四方丈餘開四門門有一木人縱四五鼠於中欲出門木人輒推之

空執全城之語

縱貽慮敵之辜宜據刑書准條科結

漢書宣帝以虎牙將軍田順稽留不

進下吏自殺音義曰律語也謂軍行頗止逗遛不進

國子監二條

國子之名周禮有之晉初立國子學隋改為國子監唐因之

監尹勤奏學生多無經業舉送至省落第並請退

還本邑以激勵庶望生徒進益

大學小學尊師而敬道

范甯公羊傳注云一里八十家中為校室八歲者學小學十五

者學大學禮記學記云詔於天子無北面所以尊師也又云皮弁祭菜示敬道也

上庠下庠欽

賢而貴德

禮記王制云有虞氏養國老於上庠養庶老於下庠漢書公孫宏有欽賢館謝靈運擬魏

太子詩忝此欽賢性老子

稽山之竹資括羽以宣功

爾雅

萬物莫不尊道而貴德

東南之美者會稽之竹箭馬家語子路見孔子曰南山之竹不扶自直斬而用之射達於犀子曰括而羽之鏃

而礪之其入不亦深乎北史儒林傳序貴游之輩飾以明經可謂稽山竹箭加之括羽

崑山之珍

待琢磨而為器

劉向新序玉產崑山韓詩外傳玉不琢不成器人不學不成行家有千金之玉

不知治猶如貧也
毛詩如琢如磨

東序西序離經辨志之原

禮記王制
云夏后氏

養國老於東序養庶老於西序鄭元學記注
離經斷句絕也辨志謂辨其心意所趨向也

小成大成

溫故知新之學

孔穎達學記疏小成者具業小大成者
是大學道理非小學技藝耳論語溫故

而知新何晏注云尋
繹故者又知新者

積川為海蛟龍魚鼈處其中

揚子
法言

百川學海而至於海荀子積水成川蛟龍
生焉禮記中庸云鼈鼈蛟龍魚鼈生焉

積土為山鸞

鸞鵠翔其上

荀子積土成山張衡南都賦鸞鵠
翔其上李善注云鸞鸞鳳凰之別名也鵠

鵠鳳屬也尸子土積成岳梗柵椽樟生焉水積成
川則春舟之魚生焉夫學之積也亦有所出也

學而

從政

左傳學而
后入政

罔不由茲學古入官

尚書周官文孔安
國注云言當先學

古訓然後其來尚矣祇如每年貢舉先有成規

新唐書選舉志

云凡貢舉非其人者廢舉者校試不以實者有罰著於令

登上科者高步於龍門

漢書

舉賢良文學有甲科乙科丙科江淹雜詩高步超常倫

藝文類聚符子曰觀於龍門有一魚奮鱗鼓鬣登乎龍門而為龍韻府羣玉初登第設晏為燒尾

晏說者曰魚躍龍門當為燒尾乃化為龍

飛於鷄路

漢書武帝舉賢良方正對策太常奏公孫宏第居下左傳六鷄退飛過宋都風也焦氏易

林鷄飛中退舉事不進杜甫蹶足之馬尚想造途

廣韻蹶失

詩倚風遺鷄路隨水到龍門蹶足之馬尚想造途

脚也抱朴子驚銳不可一途驗長阿失晨之鷄猶思改

旦魏志管輅射山鷄毛曰鳴不失晨陸機狹和行欲鳴

旦當及晨春秋考異鄭鷄應日鳴吳志諸葛瑾曰失旦

之鷄復思一鳴汲冢周書
懿王元年天再旦於鄭
庶使鴻飛海浦仍懷漸陸之

期毛詩鴻飛遵渚張衡西京賦置聲震海浦許氏說文
浦水濱也周易鴻漸於陸孔穎達疏云進而得高之

象史記卜式兒寬以鴻漸之翼困
於燕雀索隱云謂未遇為時所輕
鶴唳霜臯尚有聞天

之望

李善文選注唳鶴聲也晉書陸機云華亭鶴唳不
可復得毛詩鶴鳴於九臯聲聞於天鄭元箋云天

高遠也藝文類聚鶴鳴於九臯聲聞於天言身隱而名
著○按蹶足之馬四句言學生今雖落第猶可奮為而

再舉鴻飛海浦四句言
雖在下猶有上進之時
豈得一面試落便棄前功善誘

生徒却將未可

孫奭孟子疏掘井不及泉則止是棄其
前功論語夫子善誘人○言不得一試

而棄人才善教
者可如是耶

昔蘓秦十上豈曰無才

戰國策蘇秦說
秦王書十上而

說不行資用乏
絕去秦而歸

主父八條何妨有用

漢書主父偃為客甚困乃西入關上

不召資用乏絕上書關下所言九事其八為律令一事
諫伐匈奴上召見謂曰公安在何相見之晚也○言蘇
秦主父偃尚不得早見
用而況尋常舉送者
尹勤西唐教首
後漢書高鳳專精誦讀為名儒

教授西

北海儒宗

後漢書鄭元北海人游學十餘年乃歸閉門不出弟子自遠方至者數千

初學記北海有鄭元儒林講堂史記叔係通為漢儒宗

應知三絕之勞

史記孔子晚喜易讀

之韋編

頗識百篇之訓

墨子周公朝讀書百篇夕見七十五士○言尹勤既為教首儒

宗必知孔子之勤謹識周公之多讀也

隨藍改質實藉招携

荀子青出於藍而青於藍

藝文類聚秦子曰常聞作人當如園國之藍不異衆草染而名朗然左傳招携以禮何休公羊傳注携提獎也

題竹書名良資教授

後漢書鄧禹願垂功名于竹帛張衡文士傳吳郡張儼童少見朱據

據曰賦一物乃坐儼賦犬曰守則有威出則有獲韓獝

宋鵲書名竹帛漢書儒林傳云各專門教授。言變化

氣質者實有所藉傳播功名者良有所質固尸勤職分所當為者可不務乎

寧有棄古人之

糟粕頓被踈遺

莊子君子所讀者古人之糟粕。言讀書者頓遭退還

受新生之

束修頻為改換

邢昺論語疏束修者謂十脡脯也。言納賂而多更易新進者

所請無

理狀涉有情未可舉科且宜從記

太學生劉仁範等省試落第搥鼓申訴准式叩時

付問頭酉時收策試日晚付頭不盡經業更請重

試臺付法不伏

劉仁範青衿胄子

毛詩青青子衿毛長傳云青衿青領也學子之所服尚書變典樂教胄子

孔安國注

黃卷書生

金樓子有人讀書把卷即睡梁人因呼書卷為黃妳怡神養性如乳

媼也避齋閑覽

古人寫書皆用黃紙以藥染之所以避

蠹故曰黃卷董仲舒春秋繁露能通一經曰儒生博覽

羣書曰洪儒王勃滕

王閣序一介書生

非應奉之五行

後漢書應奉讀書五行俱下

異

王充之一覽

後漢書王充家貧無書游洛陽書肆閱所讀書見輒能誦憶

天下第一

希聞胡廣之才

後漢書胡廣華客人舉孝廉試為天下第一

日下無雙罕見

江夏之譽

後漢書黃香江夏人京師號曰天下無雙江夏黃童南史伏挺博學有才任昉深見歎異

曰此子日下無雙。按日下無雙本伏挺事天。春秋一

下無雙乃黃童事。因對上句天下字乃借用之。

月徒棄光陰文史三冬虛淹歲月。魏畧賈逵好春秋常

方朔曰臣年十三日學書三冬文史足用。言劉仁範不能如古人用功徒玩時愒日也。

有司試策

無晁錯之中科

漢書詔有司舉賢良文學上親策之主時對策者百餘人惟晁錯為高第

者銓量落公孫之下第

漢書武帝舉賢良方正對策太常奏公孫宏第居下天子擢為

第一理合逡巡斂分退坐授銓

按唐選法尚書銓掌七品以上選侍郎銓掌八品以

下豈得俛仰自強肆情搨鼓

韻會搨擊也

伏稱問頭付晚策

自難周銓退者即恨獨運簡得者不應偏早訴人之口

皆有愛憎試官之情終無向背傲不可長

曲禮文

驕不可

盈

漢書常山王驕盈

若引窺覘之門恐開僥倖之路旁冠奏劾

自合甘從

按本題臺付法臺御史臺也漢書儀御史皆服旁冠獬豸知人曲直觸邪安

馬咏

無冤何煩苦訴

春秋元命苞堯為天子夢馬咏子得臯陶聘為大理淮南子臯陶馬咏是謂至

信決獄明白

宜從明典勿信游辭

孔安國尚書序剪截浮辭

察於人情

少府監二條

少府秦官漢因之隋置少府監唐武德九年分將作為少府監神龍元年復舊

監

監設一人總判

賀敬盜御茵席三十事大理斷二千五

百里敬不伏云其物雖部分未進不得為御物

沉沉少府掌其山海之資

漢書少府掌山海池澤之稅名曰禁錢以給私養自別為

藏少者小也

隱隱內藏職在瓊奇之貨

唐書龍朔二年改少府監為內

故稱少府

府監韓陽天文要集離珠五星在須女北離珠為藏府也天積者天入藏府也張衡西京賦瓊貨方至鳥集麟

萃薛綜注云

毒瑁象牙之寶萬里雲奔

諸蕃志瑁瑁形似龜甲黑白斑

瓊奇貨也

文許氏說文象南越大獸牙三年一乳漢書考武親犀象瑁瑁則建朱崖七郡自是明珠文甲通犀翠羽之珍

盈於珊瑚馬腦之珍三邦輻湊

三輔黃圖西陂池有珊瑚樹南越王所獻號為

烽火樹至夜影常煥然魏文帝馬腦賦馬腦玉屬出自西域有似馬腦故名文子犀臣輻湊張湛注云如衆輻

之集於穀百萬錢之重寶實表貞廉

後漢書劉寵自會稽太守徵為將作大匠老叟

五六人齋百錢送罷為
選受一大錢其清如此

二千石之崇班方求清素

漢書馬延

年為將作大匠成帝以勤苦賜秩二千石。按景
帝改少府為將作大匠故劉寵馬延年事亦引用

薛宣

之才茂行潔乃應斯榮

漢書薛宣為少府谷永曰少府
宣才茂行潔上以為御史大夫

王觀之守法不移方堪斯任

魏志王觀徙少府大將軍
曹爽奢放多有干求憚觀

守法乃徙
為大守

賀敬挈瓶小智

左傳雖有挈瓶之智陸機文
賦惠挈瓶之僕屢空李善注

云挈瓶喻
小人之智

荷蕢庸才

論語有荷蕢而過孔氏之門者刑
焉疏云擔揭草器之人干寶晉紀

摠論驅走之
人凡庸之才

謝楊阜之公清

魏志楊阜遷少府上疏曰
昔邵信臣為少府奏罷浮

食今宜節
度帝納之非孔融之朗悟

後漢書孔融幼有異才李膺
嘆曰高明必為偉器后徵為

少祗如桃笙象簟擬進乘興

左思吳都賦桃笙象簟竹譜桃枝竹皮滑而黃可以

為席揚雄方言簟亦魏之間謂之笙五色線集漢武帝以象牙簟賜李夫人

翠被鴛綢咸供

御用

楚辭翡翠珠被爛齊光左傳楚子翠被杜預注云翠羽飾被也毛萇詩傳綢單被也西京雜記趙飛

燕為皇后女弟昭儀上襪一十五條有鴛鴦被

豈得外為鼠盜

漢書張湯為兒時鼠盜肉掘鼠

與肉具獄磔於堂下

內縱狼貪

史記桀有諛臣名曰趙良教為無道勸以狼貪

未聞匡鼎

之賢

漢書匡衡好學尤精詩諸儒語曰無說詩匡鼎來張彥云匡衡少時名鼎

已陷敬聲之

譴

漢書公孫賀為丞相子敬聲擅用北軍錢發覺下獄死

赤衿之席

赤衿未詳晉東宮舊事太

子有赤皮席太子納妃有赤花雙文簾

輒入私家文裕之衿

未詳擬移公室

此正題中盜御盜物數逾三十斷流遂越二千理合甘
茵席三十事也

徒仍懷苦訴款稱物雖部分未進御前執此曲途深垂
直道但供玩好奏進珍奇監當各有司存擬進便為御
物何必要湏入內方可為偷法有正條理湏明典

府史杜元掌造金璽遂盜一枚鑄敗為酒器斷絞
不伏云東玉未進合準常盜不合死

傳國之寶有道必資

山堂考索高祖入咸陽得秦璽世世傳受號曰傳國寶

式開

瑞象之文

周禮典瑞鄭元注云典瑞若今符璽即尚書中候河龍圖洛龜書赤文象字以授軒轅

祇啓象麟之享

晉書元帝時有白玉麒麟神璽出於江寧其文曰長壽百年日有重暉皆以為

中興之象焉

白玉為檢

河圖舜即位黃龍負圖白玉檢黃金繩曰黃帝符璽

映犀鈕以

分輝

許氏說文鈕印鼻也司馬彪續漢書二千石以下至四百石佩雙印皆以黑犀若天子璽則虎鈕蔡

邕獨斷天子璽以玉螭虎鈕

黃金為繩

河圖瑩龍璽而動色

趙書劉聰徙治

平陽於汾水中得白玉璽龍鈕初學記古者以璽帛依書長短截之名曰幡紙○按龍璽天子覆璽之帛蓋璽既龍鈕故既施寶玉

蔡邕獨斷秦以來天子獨以印稱璽又獨以玉

復假金銀

漢官儀武帝令通官印方寸王公侯金二千石銀皆龜鈕

封以青布之囊

崔豹古今注青囊所

以盛印也奏劾者則以青囊盛印於前示奉王法而行也

帶以采組之綬

山堂考索秦始皇得

藍田白玉為璽綬佩既廢乃以采組連結於綬光明章
轉相結受故謂之綬應劭漢官儀印綬佩之組也

杜玄一介庸瑣

劉熙孟子注陳仲子齊一介士也江淹雜詩廟廊非庸器漢書晁錯之瑣材

千載寒微

春秋孔演圖宵人之世多馳策十年之門漢書

張釋之事文帝十年不得調

始預九流之選

李垂吏部歲銓管九流鄭元詩箋選者謂於論

等之中最上也鮑照詩十載學無就善宦一朝通

理須恪勤匪懈守孫賀之曹

漢書公孫賀武帝拜為丞相不受印綬頌首涕泣人問其故曰恐負重責

夙夜在公奉常林

之教

魏志常林明帝進封高陽鄉侯節操清峻

豈得小心之譽未出於街庭

禮記小心而畏義

大慙之蹤已流於臺寺

慙本作慙慙也尚書元惡大慙創此

六璽輒盜一枚遽殘螭角之輝

太平御覽秦始皇以藍田玉制璽螭鈕文獻通

考王莽篡位就元后求璽乃出璽投之地璽上螭一角缺翻作裏蹄之用

漢書武帝詔曰往者

騏郊上帝泰山見金宜鑄黃金為麟趾裏蹄以協瑞焉注云古有駿馬名騏赤喙黑身日行萬五千里也

方寸妙篆

孔氏雜說漢時印不甚大淮南王曰方寸之印丈二之組是也北史魏文帝興安二年於

苑內獲方寸玉印漢官儀秦始皇制璽李斯篆文以魚鳥篆刻之

奄就爐銷五字靈文

漢書武帝改正朔數用五紀注云謂印文也文不足五者以之字足之春秋合誠圖鳳凰負圖授堯其章五字

曰天赤帝符璽道藏經老君以真氣結成寶字八角垂芒為雲篆之形

俄從灰壤量其犯

狀罪不容誅語其刑名死有餘責既投無赦之律合處

不敬之論

左傳明王伐不敬以為大戮戰國策起居不敬恐獲死罪於前

禹泣既不原

辜湯祝如何免罪

史記禹出見罪人而泣帝王世紀湯見張網四面乃去其面祝曰不用命

乃入網○禹泣不原湯祝何免此正無赦之律也

宜從絞坐以肅朝章

將作監二條

唐虞共工周官考功秦為將作少府漢為將作大將隋立將作監唐因之

大匠

唐將作監設大匠一人總判

吳淳掌造東都羅城牆高九

仞隍深五丈正屬春時妨農作百姓訴至秋收后

淳自求功抑而不許御史彈非時興造付法不伏

九卿分統

文獻通考漢以將作少府等謂漢朝開土木之九寺大卿尚書冢宰統百官

之官

漢書將作少府掌修土木之工

百工惟時

臯陶謨文孔安國注云工官也

周禮置

梓材之職

初學記唐叔封衛周公懼齒少乃作梓材篇孔穎達尚書疏梓木之善者治之宜精固以

為木之工匠名

斧斤動役測之以寒暑

左思魏都賦測之寒暑李善注云周禮以土圭

測日影日南多暑日北多寒

版築興功揆之以日星

左思魏都賦揆日晷考星曜劉

淵林注云詩定之方中作於楚宮揆之以日

以人從欲

作于楚室定營室星方中可以興土功也

傾宮就而紂亡

揚雄甘泉賦襲璿室與傾宮服虔注云桀

可以人從欲鮮濟

作瘡室紂以欲從人露臺休而漢盛

漢書文帝欲作露臺計之直百金曰

百金中人十室之產也何以臺為

吳淳任居大匠職重繕工

文獻通考秦有將作

少府漢景帝更名將作大匠唐
龍朔二年改匠作為繕工監
踐李固之前規後漢書李固自

荊州刺史遷
將作大匠
躡曹褒之舊跡曹褒制漢禮其為將作未詳
建都河洛

班固東都賦立號
高邑建都河洛
起役伊瀍張衡東京賦審曲面勢左伊右瀍
百堵所

以雲興庾闡楊都賦枕百堵之層城毛詩百堵皆興鄭元箋云五版為堵晉書顧凱之言會稽山川之

狀雲興
九仞由其岳立淮南子鯀作九仞之城五經異義天子之城九仞鮑照蕪城賦

格高
五岳
畚簣魚貫強脊者使之負持欽杵鴈行長脰者使

之踏挿淮南子伊尹之興土功也修脰者使之跼蹙強脊者使之負土注云長脰以蹋挿者使深入周禮

大役之禮任衆也注云築
宮室所以任人力強弱
優旃欲漆之郭雖復難周史記

秦二世欲漆其城優旃曰善顧難為陰屋耳張儀覆錦之城於焉易就益州

州城張儀所築錦城在州南華陽國志成都城故錦宮也錦工織錦濯於江中則鮮明濯他江則不如故名錦

里九重之邑淮南子崑崙山有層城九里無勞走馬之形搜神記秦人築城數

崩有馬馳走因馬跡萬家之都沈約安陸王碑郭壙之內雲屋萬家自有

卧龍之異王隱晉書涼州城有卧龍城形故名卧龍城理須候隙啟閉左傳農隙

講事又云啟塞授時注云門禮記月令云凡戶道橋曰啟城郭墻塹曰塞務在從時禮記月令云凡

時每歲孟秋之月補城郭仲秋之月築城郭下不奪於三農孟子百畝之田勿奪其時周禮

三農生九谷鄭元注上不虧於八部越絕書闔閭築城陸門八象八風水

門八象八卦吳越春秋子胥為吳造大城陸門八象天
八風水門八象地八憲河圖括地象天有九部八紀地
有九州

倉庚遷木殊非濬洫之辰

毛詩有鳴倉庚又云遷於喬木鄭元箋云

倉庚鳴可蠶之候也遷徙也從深谷移處高木左思
魏都賦崇墉濬洫劉淵林注云濬深也洫城溝也戴

勝降桑豈是營都之日

禮記月令云季春之月戴勝降於桑鄭元注云戴勝織經之鳥

是時恒在桑言降者若時始自天來重之也漢書妻敬云昔成王乃營成周都洛

寧有自求微

效廣棄人功既廢春疇宜從霜典

少匠

唐將監設少匠二人

柳仝掌造三陽宮

在登豐縣唐聖歷間建

臺

觀壯麗三月而成夫匠疲勞死者十五六掌作官

等加兩階被選槓鼓訴屈

千八百國王者以列郡分州

呂氏春秋禹決流疏河所活者千八百國漢書賈山

至言云周蓋千八百國史記秦始皇并天下分置三十六郡漢書皆在黃帝畫野分州

三十六所聖

人有離宮別館

班固西都賦離宮別館三十六所三輔故事上林四百餘里離別非一所也

鵲宇銜月

三輔黃圖武帝起鵲觀漢東宮故事東宮有鵲門陸德明音義宇屋四垂也

共五

柞而連陰

漢書武帝建五柞宮因五柞樹以名

龍臺造天

三輔故事龍臺高六丈三齊畧

記平昌城內有臺高六丈神龍出入其中故名龍臺張衡東京賦園闕疎以造天孔安國尚書注造至也

將

九華而接影

魏志文帝築九華臺梓木輕重造之雖高隨風搖動而不傾明帝懼其危以大木扶

之即三陽地鄰崿坂一統志嵩山一名崿嶺在嵩山東南境帶嵩邱潘岳懷舊

賦前瞻太室嵩山記山有玉女臺云漢

後眺嵩邱斜瞻玉女之祠武帝見三仙玉女因以名

臺近瞰井公之博穆天子傳天子東征與井公博三日不決爰茲勝壤陳知微中

嶽碑洪惟至聿啓深宮毛詩閟宮有洫注云閟深閑也取酸棗之前基

靈宅茲勝壤韓王酸棗之觀荒

辭道衡宴喜賦韓王酸棗之觀荒

踈蕪漫楚國陽雲之臺空見塵埃探棠梨之舊制三輔黃圖

漢有棠梨宮柳仝職惟經構毛詩經始靈臺注云經度也尚

位掌構櫨漢武帝柏梁臺詩將作大匠云柱枅構櫨相

支持許氏說文構櫨柱上枅蒼頡篇枅柱上

方拱木倂於林衡全模授於梓匠左思魏都賦倂拱木

於林衡授全模於梓

匠五臣注云僦理木之器兩手合抱曰

鳳池青瑣

見前門下

省參差鴈齒之階

庾信溫湯泉碑秦皇餘石仍為齒鴈之階漢武帝故事驪山湯初始皇砌石起

字至漢武又加修飾焉

鸞庭綺窓

文選古詩交疏結綺窓薛綜西京賦注疏刻穿之也綺文繒也

此刻鏤以象之錯落魚鱗之屋

班固西都賦隋侯明月錯落其間楚辭魚鱗屋兮龍堂庾信溫

湯泉碑漢武舊陶即用魚鱗之瓦

璿題耀日

揚雄甘泉賦璿題玉英應劭注云題頭也璿椽之頭

皆以玉飾張衡西京賦引耀日月

聳璫瑁之金椽

漢武故事上起神屋椽塗以金刻璫瑁為

禽獸以薄其上珠網懸星

宋玉招魂網戶珠綴刻方連些注云以木為門扉而刻為方目如羅網之狀江

淹擬從駕詩宸網擬星懸

洞琉璃之寶閣

漢武故事上起神屋屏屏悉以白琉璃作之光照洞

澈十洲記方丈山上有琉璃宮崔融嵩山
啟母碑周施瑤瑁之椽徧覆琉璃之瓦
似王彬之勤

苦自覓封侯

晉書王彬為大匠以營創勤苦賜爵關內侯

匪魏霸之憂人怡

然受樂

謝承後漢書魏霸為鉅鹿太守妻子不到官舍常念兄嫂在家勤苦已獨尊樂故常服鹿羈

仲華省費之譽未展其能

汝南先賢傳后漢應謹字仲華為將作大匠省費億萬

伯直士卒之先罕聞其效

白氏六帖后漢陳伯直為將作大匠桓帝崩營陵寢皆躬

親作工為士卒先

壯麗則論功極大

漢書蕭何治未央宮上見其壯麗甚怒何曰非壯麗

無以重威勞役則死者還多

孔叢子陳惠侯起陵陽之臺坐法死者數十人又執二監吏將

殺之孔子曰古聖王為臺未有不戮一勤勞補拙而有
人而致工若此者也侯然赦所執吏

餘功過相除而不足人未疲而事就乍可論優

左傳渠伯好土

功亟城而弗處

大半斃而功成若為徵賞

韋昭前漢書注凡數三分

民疲而弗堪

有二為大半列女後傳楚子發之母謂子發曰使人入於死地而康樂於上雖有得勝非其術也

加階

放選已自偏矜擗鼓自強何為淺見

周禮太僕建路鼓於大寢之門以待

達窮者輒驚聖聽不得無辜法有正條理宜科結

水衡監二條

舜命益作虞以掌山澤周有川衡漢有水衡晉省水衡置都水臺隨置都水監唐又

改為水

衡監

五月五日洛水競渡船十隻請差使於揚州修造

須錢五千貫請速分付

水衡列職

漢書武帝初置水衡都尉

池苑分曹

顏師古漢書注山林之官曰衡掌諸池苑

故稱水衡

既知遊觀之娛

顏師古漢書注水衡蓋主上林離宮燕休之處

兼總鑄錢

之府

漢書文帝禁郡國無得鑄錢專令上林二官鑄而天下非官錢不得行周庾信華林馬射賦水衡之

錢山積

河隄謁者服彼賢冠都水使司佩其蒼玉

文獻通考初秦

漢有都水長丞武帝以都水官多乃置左右使者以領之至東京凡都水皆罷併置河隄謁者又曰都水使宋

銅印墨綬進賢兩梁冠佩水蒼玉

允釐舟楫肅掌陂池

文獻通考秦漢有都水長丞主

陂塘灌溉魏世主天下水軍舟船

陳頤之績既深

晉諸公讚陳頤有巧思遷都水使者洛陽

記云千金

王延之效斯重

漢書武帝時河隄大壞以

斗

柄停午

孝經緯芒種後十五日斗指午為

律中蕤賓

呂

春秋仲夏之月律中蕤賓高誘注云陰

葛亮涉瀘之時

諸葛亮出師表五

田文始生之日

史記田文以五月五

月渡瀘深入不毛

舉之文長啓父曰不舉五日子何也曰及

戶不利文曰何不高其戶父賢之立為嗣

續命之縷漸

染成風辟兵之縷因循不絕

風土記端午造白索繫臂

朱絲約粽變成南楚之宜

續齊諧記屈原五月五日投

汨羅死楚人哀之每至此日

以竹筒貯米投水祭之建武元年長沙歐回見人自稱

三閭大夫曰見祭甚善常苦蛟龍所竊可以楝葉塞上

以綵絲約縛之二物蛟龍所畏世人作粽并五綵絲及楝葉皆汨羅之遺風也風土記端午造百索繫臂一名

五色絲一

紫艾禳災大啓中州之俗

荆楚記五日採艾懸戶上以禳毒氣

以師曠占有歲病則艾草先生故也文選蘇武詩山海隔中州注云中州中國也

剪鸛鵒之舌

必是能言

異苑五月五日剪鸛鵒之舌能學人語

收烏鵲之腦自然懷戀

本草五月五日鵲腦入術家用

爰因此日競渡為歡

楚傳競渡起於句踐時記謂五月五

日屈原投汨羅人以舟楫拯之至今為俗歲華紀麗云因勾踐以成風極屈原而為俗也

蘭橈鳴鶴

之舟

揚雄方言楫謂之橈周庾信泛江詩蘭橈避荻洲西京雜記太乙池有鳴鶴舟

桂棹晨鳧

之舸

洞冥記影娥池有鴻毛船或以青桂之枝為棹或以木蘭之心為楫魏王祭海賦乘蘭桂之舟晨鳧

之舸穆天子傳天子乘鳧舟郭璞注云
舟為鳧形今吳之青雀舫其遺象也
鴨頭泛濫與青

雀而爭飛

吳志諸葛恪置鴨頭船
晉書陶侃有青雀舫

鷁首參差共飛龍而

競逐

淮南子龍舟鷁首高誘注云鷁大鳥也畫其象
著船首以禦水患晉宮閣記大淵池有飛龍舟黃

頭執擢疑素鯉之凌波

漢書鄧通以擢船為黃頭即注
云土勝水故刺船即著黃帽束

哲補亡詩凌波赴汨郭璞江賦
撫凌波而鳧躍廣韻凌馳也

白衣揚櫓類蒼鳥之拂

浪

吳志呂蒙取關羽使白衣搖櫓作商賈人
狀禮斗威儀江海不揚波東海輸之蒼鳥

競渡所用

輕利為工

荆楚記南方競渡治其
舟使輕利謂之飛鳧

創修十隻之舟費直

五千餘貫金舟不可以泛水玉楫不可以乘湍

抱朴子
瓊艘瑤

揖無涉水之用造數計則無多用錢如何太廣玩物喪志所寶

惟賢

二句旅
藝文

豈將有限之財以供無益之費

尚書不作
無益害有

益所請非急未可輒依

水工鄭國狀請決漢水直山鑿山通道至伊水入

洛須夫五百萬乃運江淮租極便

水曰潤下火曰炎上

洪範文孔安國注潤下炎上言其自然之本性也

順性則

易從

漢書書稱水曰潤下為水得其性孟子禹之治違

方則難理

韓詩外傳夫水者緣理而行吳越春秋禹發金簡玉字注云言通水之理潘岳關中記昆

明池云堯時理祇如漢江已北伊瀍之南岩嶂峭崿以水訖停舟此池

造天崗登崢嶸而括地

班固西都賦岩峻峭崿金石崢嶸張衡東京賦圓闕鍊以造天

楊炯少姨碑憑河圖而括地

層峯切漢飛鳥迷林絕壑窮山奔豹失

路

梁范雲巫山高詩岩懸獸無迹林暗鳥疑飛。自岩嶂峭崿以下言地勢險固也

探深泉之

月兔罕有其功

王充論衡儒者言月中兔夫月水也兔在水中無不死者焦氏易林上山求魚

入水挽兔市非其歸自今久留

捉高標之日烏未聞其可

左思蜀都賦陽鳥回翼乎

高標圖經高標山名郭璞十日讚十日並出草木焦枯羿乃控弦仰落陽鳥

后稷之播殖九

穀不能使苗稼冬生夏禹之引決百川不能使江河西

注

淮南子禹決江瓠河而不能使水西流稷辟土而不能使禾冬生關尹子天不能冬蓮春菊是以聖人不

違時地不能洛橘汶貉是以聖人不違俗。鄭國才非自探深泉月兔以下正發明違方則難理也。

識古智未趨今

淮南子越人學遠射參天而發鏑在五步內今學者欲學古而不知變是越人

射乏袁敏之多能

魏文帝多能典論少時持複自謂無對俗多雙戰袁敏以單攻複每為若

神對家不知所出

謝麗長之博覽

北魏書麗道元字善長涿郡人為御史中尉平生好學歷

覽羣書嘗著水

經注四十卷

進不量力

左傳不度德不量力

退不省躬

尚書惟干戈省

躬逆地勢而開山

楊炯少姨碑用遁甲而開山遁甲開山圖有巨靈胡者偏得坤元之道能

造山川絕天真以決水

孟子性猶湍水決諸東方則東出江河沉述征記華山與首陽本一山

河神巨靈擘其上足踏其下分區區淺見輒與造化爭

功釋氏甄正論功侔造化之功乃邁陶鈞之力顏君平

作窮山海

瑣瑣庸情擬共陰陽競氣

漢書晁錯叔傳云錯之瑣才智小謀

之奧秘

大楊炯少姨碑噴薄陰陽之氣

銜枚塞海為憑已深

周禮銜枚氏顏師古漢書注枚狀如

著許氏說文枚幹也山海經發鳩之山有鳥名精衛是

炎帝之女遊東海溺而不返故常取西山之木石以填

馬棒土填河在愚彌甚

後漢書朱浮與彭寵書云河濱之人捧土以塞孟津多見其不

知量妄為勞役虛費人功

魏志明帝欲平北却使登臺可望孟津辛毗諫曰天地之

性高高下下今反之既非其理加以損費人功民不堪役帝乃止

既貪罔上之條合處

欺天之罪審問情狀方可論科

沙苑監二條

沙苑在同州馮翊縣
唐置沙苑掌牧養

鴻臚寺狀稱默啜使人朝宴設番客沙苑監李秀

供羊瘦小邊使咸怨御史彈付法

滔滔碧海

隋虞茂望海詩巨海望滔
滔十洲記扶桑在碧海中

萬穴於是朝宗

木華

海賦江河既導萬穴俱流尚書江漢朝宗於海注云宗
尊有似于朝隋煬帝觀海詩委輸百谷歸朝宗萬川溢

隱隱黃樞

荀子隱隱兮恐人之不當也董巴漢書禁門
曰黃門中人主之故號黃門郎盧諶宣徽賦

揚雄隱於黃樞注
揚雄乃為黃門郎

百靈由其納款

張衡靈憲中州含靈
唐魏徵臨朝詩百靈

侍軒后萬國會塗山聲教溢四海朝長城絕地史記秦

宗別百川○此四句言默噉使人朝築長城

延袤萬里尚書呂徐廣史記注高闕在朔方

刑云絕地天通高闕凌空括地志朔方郡北有連山

險拔長城其山中斷兩峯包玉塞而為險左思蜀都賦

極峻相對若闕故名高闕包玉壘而為

宇晉書禿髮傳論云控弦玉塞漢杜佑

書阮以玉門陽關注云阮塞也控金微而作鎮通典

霸康州有金微龍荒景促漢書宣帝記云龍荒漢朔莫

山隸振武軍不來庭注云龍荒匈奴祭天

於龍則飛雪千里宋玉招魂北方不可以龜林洹寒

未詳韻書龜茲國名在馬則木皮三寸尸子朔方之寒

者西南左傳窮陰洹寒冰厚三寸木皮

三韋講毳幕人傳食鼠之風羶肉酪漿俗染乘羊之化

寸

李陵答蘇武書韋韞義幕羶肉酪漿漢書
匈奴傳云兒能乘羊引弓射鳥鼠為食
阻狼居而跋

扈漢書武帝遣衛青霍去病擊匈奴封狼居胥山而還
釋義跋扈猶強梁也扈竹籬也大魚跳跋籬扈而出

故言跋臺號單于通鑑漢武帝登單于臺注云單
處馬

坂以挺袂戴延之西征記次前至地名光祿梁文帝渡
黃馬坂去計素緒十里

屠光祿寨都千里辨髮漢書終軍曰解辨髮削左社史
破夫人城記西南夷傳云自同師以東皆

編髮地方望夷邸而爭趨見前主五月披裘郭義恭廣
可數千里客條注志代邸陰

山五月猶宿雪列子當瞻洛橋而下拜其事未詳上五
夏五月有披裘而薪者月披裘雖出列

子于此無闕豈作者借聖朝仁以接物德以和人矜其
以言北方當夏猶寒耶

屬國之情

漢書置屬國以處匈奴降者韋昭注云外國羌胡來屬漢者

待以蕃臣之

禮

周禮九州之外謂之蕃國世一見各以其所貴寶為贄鄭元注云蕃國之君無執玉帛者是以謂其君為

小賓臣為小容

李秀職編沙苑

寰宇記沙苑一名沙阜唐置沙苑監掌牧養

位縮牧

司

事文類聚唐張萬歲為羣牧使王毛仲領羣牧監文獻通考宋景德始置羣牧司

輒隱肥羊

史記卜式牧上林羊歲餘羊肥韻府羣玉同州沙苑監有佳羊謂之細肋卧沙黃山谷詩云細肋柔毛飽卧沙

翻將瘦羣

毛詩既有肥羣毛萇傳云羣未成羊也郭璞云今俗呼五月羊為羣桓麟七說魚桑毛之

羣東觀漢記甄字拜博士上令賜羊字自取最瘦者

一半供國罕見滋繁三百維

羣

毛詩文鄭元箋百頭為一羣

如何檢察羸肌薄羣

陸佃埤雅羊以瘦為病故羸從

羊羊貴大故羊大為美藝文類聚周禮羊冷毛則羴羴

供旦飮而難充

周禮賓客供其法羊

注云法羊餐殮積膳之羊賈公彥疏云殮飮五牢餐飮九牢韻會朝食曰餐夕食曰飮

瘠骨穿皮

濟晨炊而無用

干寶搜神記陰子房臘日晨炊而竈神形見子房受慶家有黃羊封而祀之

主簿之號空覩其髯

崔豹古今注羊一名髯鬚主簿

大夫之家獨留其

舌

左傳羊舌大夫孔穎達正義云羊舌氏也爵為大夫姓李名果有人盜羊而遺其頭受而埋之後

事發追驗惟有舌在國人異之因號羊舌氏

遂使賢王結恨耻大國之風輕

漢書匈奴傳云冒頓置左右賢王左傳小國之仰大國也如百殺之仰膏雨

驕子相嫌鄙中

州之禮薄

漢書匈奴傳云胡者天之驕子司馬相如大人賦世有大人在乎中州外制八輔文選蘇

武詩山海隔中州
注云中州中國也

憲司彈劾

見前御史條注

允合公條大理糾

繩

春秋元命苞堯為天子得臯間聘為大理尚書繩愆糾繆

固難私縱

正月朔旦祭南郊沙苑副監劉璿狀云方今尊崇

釋教其羊料請減庶望國家有福慶祚綿長太常

執奏祭天事大不宜降禮

文獻通考周宗伯掌邦禮秦改曰奉常漢初曰

太常欲令國家盛

大常存故稱太常

銅澤應序

許氏說文漏以銅盛水刻節晝夜百刻李善文選注刻漏也以銅盆受水分時左傳履端

於始序
則無愆

玉律調年

漢書黃帝作律以玉為管後漢書候氣之法殿中用玉律沈約宋書造鐘

務者先律調之度信華林馬射賦玉律調
鐘梁武帝節表幸逢銀山自溢玉律調年
暢彼三微風

通樂作者其曲曰暢言其道暢也白虎通正朔有三何
本天有三統謂三微之月也三微者何謂也陽氣始施

黃泉萬物始動均茲四氣律調五聲之均也漢書四均
微而未著者也

為石象四時也禮記四氣之和以著萬物
之禮尸子四氣和道光照此之謂玉燭
中和之職漢

作中和樂職宣布詩如淳注云
言王政中和在官者樂其職
節初元於鳳笙毛詩東方未明

序云刺無節也挈壺氏不能掌其職焉玉燭寶典正旦
歲之元時之元月之元許氏說文笙正月之音物生故

謂之笙有十三
司厯之班左傳今火猶西流司厯之過
黃象鳳之聲也隋書梁武帝定九品十八

班
分上序于虬箭史記書云履端於始序則不愆張
衡渾天儀制以玉虬吐漏水鄭元周

禮注漏刻之箭晝夜共百刻冬夏之間則有短長焉太史立成法有四十八箭獻鳩發歲列子即鄭

民正月旦獻鳩於趙簡子厚賞之客問其故曰正旦放生示有恩也梁元帝纂要正月孟春亦曰發歲放

雀名晨孔叢子邯鄲人正朔獻雀綴五綵趙王大悅盤申叔以告子順子順曰正朔放之求有生也

薦五辛風土記元日造五辛盤辛所以發五臟氣家承百福初學記馮衍銘云元正上日百

福孔靈磔鷄牖上迎媚景以禳災梁元帝纂要春景曰媚景懸羊戶間

應和風而助氣爾雅春晴日出而風曰和風裴元新語正朔縣官殺羊懸其頭於門又磔鷄以

覆之俗說壓厲氣元以問河南伏君伏君曰是月也土氣上升草木萌動羊嚙百草鷄啄五穀故殺之以助生

氣椒花起頌杜甫詩椒盤已頌花初學記餞故迎新風俗

通臘接也新故交接司馬彪續漢書季冬之月享
臘以送故齊民月令立春曰食生菜取迎新之意
栢葉

傳杯

風土記元日長幼拜賀進栢葉酒四民月令栢是仙藥

迎暄送冷

梁元帝纂要春風曰

暄風禮記季冬出上牛以送寒氣

受茲勝景方申藉稻之儀

左傳邨子藉稻注云

籍者其君自出履行稻畝間也禮記孟春之月天子躬耕藉田

敬以吉辰

儀禮令月吉辰

允迪

燔柴之典

爾雅祭天曰燔禮記燔柴於泰壇祭天也

劉敞識非經遠智謝鈞

深周易鈞

蘊雜草之庸才

周禮雜氏掌殺草唐書陸羽幼為僧得張衡南都賦不能

讀師怒拘

懷守株之小見

韓非子宋人田中有株兔走觸而死因守株冀復得兔為

宋國請禁屠於齋月

唐書高祖武德二年詔自今正月五月九月是謂三長齋月

望

省料於郊天

本題云其羊料請減白虎通祭天必在郊者天體至清故祭必於郊取其清潔也

欲崇釋典希延慶祚

本題云方今尊崇釋教又云慶祚綿長

但五帝三皇

之代

周禮外史掌五帝三皇之書呂氏春秋夫孝三皇五帝之本務

內教猶潛

內教佛教也歐

陽詢藝文類聚以佛書為內典

二莊兩明以來

二莊謂周莊王魯莊公兩明謂漢明帝晉明帝

王巾頭陀寺碑周魯二莊親昭夜景之監漢晉兩明並勒丹青之飾注云魯莊公七年夜明佛生也周莊王為

同時漢明帝時佛始入中國

真如始泛

杜甫詩真如會法堂注云真如禪理

也
已前無佛不廢裡宗

禮記宰我問裡於六宗孔穎達正義云漢世以來說六宗者多

矣賈逵謂天宗三日月星地宗三河海岱

今日祭神如何減省

謂減

重人賤

畜

鄭元論語注廐焚章云重人賤畜

先哲之格言

論語考比識賜問格言成試亦可以次序

也

敬地尊天

社以達天地之氣所以尊天而親地也

明王之令典

任昉竟陵王狀

褒崇庸德前

棄而用犬尚有前譏

左傳棄人用犬周禮祀祭犬牲伏亦如之

王之令典

鄭司農云伏謂伏犬以王車轢之賈公彥疏云伏犬以

王車轢之者謂轍道之祭犬羊俱得是以聘禮注云其

用牲犬羊可也是其兩用也按犬羊兩用

今棄而用犬謂棄羊而用犬也所以有譏

爾愛其羊

能無后誚

周禮羊人掌羊牲凡祭祀釋羔割羊牲登其首論語爾愛其羊予按羊人所掌如此爾

愛其羊而欲減之

邪情既虧正道小惠終亂大謀

左傳思小

惠而忘大耻論語

小不思則亂大謀

並付所司各依前式

苑總監二條

自隋而置東西南北皆有監唐因之兼有丞主簿等官以掌苑內宮館園池之事

秦新安穀水社舊是苑內地近被百姓吞將作數

請收入苑百姓不伏

伊洛瀍澗

尚書伊洛瀍澗入於河

八溪九谷之津

周庚信終南山銘泝別八溪分

沅九谷張衡東京賦九谷

少室嵩高

戴延之西征記其山東謂太室西謂

八溪薛綜注云養魚池也

少室嵩其總名也謂之室者以其下各有石室焉毛詩

嵩高維嶽白虎通中央之岳獨加高字者何居四方之

中而高故

五岳三塗之險

初學記嵩高者五岳之中岳也汲冢周書武王問太公曰吾

曰嵩高山

將南望三塗注云三塗山名焦氏易林三塗五嶽陽城

太室神明之保獨無兵革左傳四岳三塗九州之險

召公相宅

書序召公既相宅

灼龜墨以定王畿

張衡東京賦召公相宅卜維洛

食薛綜注云相視也宅居也孔安國尚書注卜必先墨畫龜然后灼之兆順食墨吉也許氏說文王畿帝都也

光武建都因鳳集而成帝業

東觀漢記光武生於濟陽先是鳳凰集濟陽故宮皆

曰鳳凰聖瑞始於此建武元年十月車駕入洛遂定都焉班彪王命論此高祖大畧所以成帝業

濯龍

芳苑

張衡東京賦濯龍芳林薛綜注云濯龍池名芳林苑名後漢書馬后好儉常曰前過濯龍門見外家

車如流水馬如龍顧視走馬交衢周禮五御有舞交衢疏御者不及者又遠矣云車在交道旋應舞節寶

蓋交蔭

魏曹植詩清夜遊西園飛蓋相追隨

金錢滿埒

周庾信馬射賦馬似浮雲向埒額會埒厓

垣也晉王濟馬埒謂於外作短垣繞之也劉義慶世說新語王武子移地近北卽時洛京地甚貴武子好馬射

買地作埒編錢布地

諺門曲榭從來別館之基

張衡東

竟埒時人號金錢埒

門曲榭五臣注云諺門門名宮室相接謂之埒臺

京賦諺

有木曰榭司馬相如上林賦離宮別館彌山跨谷

永寧舊是離宮之地

注云八殿皆以休令為名班固西都賦離宮別館三千六百所左傳楚子遂至於離宮

眷茲穀水

郭

生述征記金谷地有金水南流經此谷注穀水楊

俯瞰

神州

斜連四會之郊

洛陽記銅

道頭

遒控兩京之路

都人

接畛桑棗成林逆旅分區閭閻撲地

唐王勃滕王閣序

地猶拂地也謂排
列於地其勢相軋

雖其原是苑內不合輒訴人居四邊

皆有業恆百姓若為吞併天田大小

後漢書祭祀注云高帝今天下祠靈

星謂天田星也一曰龍左角為天田主

先有規模

衛宏漢舊

穀揚雄上林苑箴芒芒天田苑苑作穀

儀林苑中廣

御圃短長

許氏說文園樹菓也圃樹菓也韓陽天文要集天園主天子菓

實萊茹三秦記漢武帝

非無制度

三輔黃圖甘泉苑武帝置園五百四十里

園一名樊川一名御苑

丈王百里之園不以為多齊宣四十之園猶嫌太廣利

民之於利國相去幾何施人之與奪人失之彌遠

揚雄羽獵

賦序文王園百里民以為尚小齊宣王
園四十里民以為大裕民之與奪民也

何惜數頃之地

頓傷百姓之情如愚所裁宜依舊定

上林監楊嗣請增置宮館於上林中御幸遊戲田獵所詣即上下輦成宴暫勞永逸永久安穩

八川浩蕩

司馬相如上林賦蕩蕩乎八川分流湍控丹岳關中記涇渭灞澇澶瀉漓漓凡八川

水以䟽津

司馬相如上林賦丹水更其南應劭注云丹水出上洛冢嶺山九嶺參差九嶺

即九谷也張衡東京賦九谷八溪張衡西京賦岡巒參差薛綜注云參差低仰貌

繞黃山而作

固

揚雄羽獵賦序武帝廣開上林北繞黃山李善注云槐里有黃山之宮

相如健筆高談

上苑之芳

漢書司馬相如作上林賦張衡東京賦相如壯上林之觀三輔黃圖上林苑即秦之舊園

子雲清詞盛述長楊之麗

陳琳答東阿王牋清詞妙句張衡東京賦揚雄騁羽獵之

詞漢書成帝好田獵楊雄作長楊賦諫之揚雄傳贊詞莫麗於相如作四賦放依而馳騁云

露寒鳩

鵲之觀古迹似存

楊楫漢書注武帝建元中作鵲鵲露寒觀在雲陽甘泉宮外

宜春

屬玉之軒餘基尚在

漢宮閣記長安有宜春宮後漢書宣帝行幸屬玉觀注云以玉飾因

名儲胥粉詣

漢書武帝增儲胥宮關中記建章有粉詣殿粉音義

便開御幸之塗

韻會天子所止謂之御蔡邕

清暑甘泉

洛陽宮殿簿有清暑殿班固西

獨斷天子車駕所至謂之幸

實曰微行之處

漢書武帝微行張晏注云出入市里不復警蹕

甘泉二宮名

若微賤之所探封巒於漢制

司馬相如上林賦歷封巒三輔黃圖甘泉有封巒觀

為故曰微行

龍筋鳳髓判

四十

侈未及奢獲林光於秦餘

張衡西京賦觀往昔之遺館獲林光於秦餘五臣注云林

光秦離宮名也秦始皇作故言秦餘

儉而不陋

張衡東京賦奢未及侈儉而不陋薛綜注云言皆合

於何必廣開禁籙

音園揚雄羽獵賦武帝廣開上林又云禁籙所營許氏說文籙禁苑也漢書

注籙者禁苑之遮衛也

虛費人功

魏志明帝欲平北却辛毗諫曰損費人功民不堪役

優旃

發使鹿之譏

史記始皇欲大苑園優旃曰善寇從東方來令麋鹿觸之足矣始皇以故輟止

張

昭有射彪之諫

吳志孫權每田常乘馬射彪張昭諫曰如有一旦之患奈天下笑何

大誇

宮館外取笑於由余

史記戎王使由余聘秦穆公示以宮室引之登三休之臺由余曰此

臺若鬼為之則神勞矣使人為之則人亦勞矣穆公大慙

廣設繚垣內興嗟於貢禹

初學記牆名有綠垣張衡西京賦綠垣綿延四百餘里
漢書元帝徵貢禹為諫議大夫禹奏官室制度從儉省
又建造毀之議遂楊嗣諛諛佞士漢書鄒陽云以事諛
毀太上寢園為墟
諛諛苟容列女傳齊威王臣周破胡諛諛
之佞人也楚詞注雷開佞人阿順於紂
書光武謂劉嘉素謹輕薄兒誤之韻府續編符融言晉
文經黃子益二人空名違實後果為輕薄子唐書李德
裕云邪人如藤蘿非
附他物不能自起
矜奔競之褊懷見前
昧公方之大

體漢書霍光奉聖君於堯舜善迹無聞孔安國尚書注
伊尹不能使其

君如堯舜則耻之華陽國志譙隆為上林令武帝欲廣
上林隆言堯舜至治廣德不務林苑帝後思其言徵為
侍陷人主於桓靈醜聲先著減榮緒晉書武帝問劉毅
曰卿以吾可方漢何帝對

曰可方桓靈帝曰方之桓靈不亦甚乎

鎮之以靜則俗阜財殷

漢書龔遂為渤海太

守致民殷阜

撓之以煩

唐書徐賢妃貞觀末言翠微玉華宮雖因山藉水不謂無煩

則政

荒人散

禮記亡國之音其政散其民流

不應言而上言法有正條不應

為而有為刑茲罔赦宜從貶論以肅朝章

內侍省二條

中官之職周禮有關人寺人內豎等秦漢以來名號不一隋曰內侍省唐因之

本省狀稱寺伯蒙天建植性謹厚薦達賢良處事

清勤惟知內外料察必望百司清肅

在天懸象

孔穎達周易正義天有懸象而成文章故稱文也

天垂宦者之星

周易

天垂象仲長統昌言天
文官者四星在帝座旁

在地標儀

盧諶時興詩悠悠方
儀廊李善注云地道

曰方天地曰兩
儀故曰方儀

地有闢人之職

周禮闢人
掌掃門庭

莫不謹房室

審宮閭

周禮月令云仲冬命
奄尹審門閭謹房室

既隆內宰之班

周禮內宰
以治王內

之政

實掌中門之禁

周禮闢人掌守
王宮門之禁

以其體非全氣性

實專良

范曄後漢書宦者傳序
云體非全氣情志專良

中常侍啓之於前

文獻
通考

秦置中常侍參用士人至
漢建武以後乃悉用宦者

大長秋建之於後

文獻通考
漢景帝置

大長秋為皇后卿顏師古注云秋者收
成之時長者恒久之義故為皇后官名

金璫銀璫之貴

光耀紫庭左貂右貂之榮寵盈黃闥

范曄後漢書宦者
傳序云漢中常侍

皆銀瑤左貂明帝以後改金瑤右貂蔡邕琴操周成王時鳳凰舞於庭成王援琴而歌曰鳳凰翔兮於紫庭董巴與服志禁門曰蒙天津職參永巷

三輔黃圖永巷宮中之長巷幽閉宮

黃圖中人主之

女之有罪者漢書永巷官取位典長門

三輔黃圖長門離宮也漢武陳

氏廢居出入後庭

漢書蕭望之以武帝游燕後庭用宦者非國舊制

馳驅卧內

漢書中常侍秩千石得出入卧內舉法省中

專謀靜慎比鄭眾之元勲

後漢書鄭

眾和帝初竇憲圖作不軌眾首謀誅之以功遷大長秋封鄴鄉侯勤心納忠方史游之

補益

後漢書宦者傳序云元帝之世史游為黃門令勤心納忠有所補益

舉能不倦繆賢

之績尤彰

史記蕭相如為趙宦者令繆賢舍人趙求報秦者未得繆賢曰臣舍人蕭相如可使

進

善無私曹騰之譽斯足

後漢書曹騰用事省闔三十餘年其所進皆海內名人益州刺

史种嵩常劾騰騰不為纖介

省司稽其楨幹

漢官儀中常侍舉法

省中省中即禁中成帝外家王禁貴重朝中諱禁曰省毛詩維周之楨毛萇傳云楨幹也孔穎達正義云衆美之士維周之楨幹也兼以行能久參內侍之雄

文獻通考隋煬帝改內侍省為長秋

監唐武德初復為內侍省請肅外曹之職

本題云惟知內外云云

但逐鹿之犬

歐陽詢藝文類聚孔子見老聃曰人用意如游鹿者走狗而逐之

必無捕豹之材

穆天子傳

天子狗走百里執虎豹注云言筋力猛

擊鴈之鴈

許氏說文代山高峻唯有一缺門鴈往來向此

中過號曰鴈門山出鴈鴈也多被鷹捉而食鴈啣蘆拒之不敢捉

豈有追鵬之力

幽冥錄楚

文王時有人獻鷹俄而雲際一物翔翔鷹便竦翮而升
須臾有大鳥墮地時博物君子曰此鵬雛也異類傳漢
武帝時西域獻黑鷹毛詩小序得鵬雛東方朔識之

巷伯興刺周道所以淪胥

序巷伯

刺幽王也寺人傷於讒而作是詩也毛詩無淪胥以亡

閹豎弄權漢風由其大壞

曹同六代論至於桓靈閹豎執衡君孤立於上臣弄權於下由是天下鼎沸姦雄並爭

景監見任

趙良寒心

史記商君謂趙良曰我化秦孰與五穀大夫賢趙良曰五穀大夫繆公知其賢舉之君見

秦王因嬖人景監非所以為名也司馬遷報任少卿書

商鞅因景監見趙良寒心史記趙高謂李斯曰足為寒

心李善文選注寒心謂戰栗也

同子參車衣絲變色

孔氏叢說太史公名談故史記無談

字季布傳改談作同司馬遷報任少卿書同子參乘衣絲變色蘇林漢書注同子趙談也與遷父同諱故曰同

子漢書文帝朝東宮趙談參乘表奏曰漢雖乏人骨鯁奈何與刀鋸同載表盡字繇孟子王勃然變乎色

之士足以糾正朝儀

韻會骨鯁堅強正直之人猶言骨立也

刑餘之人豈

可參謀國事

後漢書宦者傳論云刑餘之醜理謝金生史記王欲將孫臏臏曰刑餘之人不可

其言不次無理告知

內侍元淹心狠貌恭善柔成性兩京往來威福甚

高金帛祇承則妄於延譽迎候失行輒加鞭撻

元淹佞幸居懷

漢書佞幸傳云漢興佞幸寵臣高帝時有藉孺孝惠時有閹孺

諂諛成

性

尚書僕臣諛厥后自聖孔安國注云僕臣諂諛則其君乃自謂聖周易成之者性也

同豎刀之

狡獪翻覆邦家

漢書宦者傳序云豎刁亂齊注云齊桓公卒豎刁因內寵殺羣吏而立公子無

虧孝公奔宋論語惡利口之覆邦家者

類伊戾之猖狂動揺州郡

漢書宦者傳序

云伊戾禍宋注云楚客過宋太子請野享之伊戾請從至則狄牲加書告公曰太子將為亂視之則信有焉太

子死公徐聞其

回天轉日之勢況此猶輕

釋法琳辯正論莫不扇飄

無罪乃烹伊戾

風凍雨之恭烈回天轉日之威陸機弔魏武帝文夫以

回天倒日之力而不能振形骸之內後漢書左悺為小

黃門史天下為之語曰左回天淮南子虞

城狐社鼠之

公與夏戰日欲落公以劔指日日還不落

威方斯未甚

佛道論衡城狐社鼠徒恃依憑韻府續編社狐不灌屋鼠不薰何則所托者然也晏

子春秋景公問治國何患對曰社鼠者不可薰不可灌君之左右出賣寒熱入則比周此之謂社鼠也

有

恭石之巨蠹

後漢書宦者傳序云宏恭石顯皆少坐腐刑為中黃門進注云宏恭石顯皆少坐腐刑為中黃門

濫奉前規

王儉褚淵碑

無管勃之奇功

後漢書宦者傳序云勃貂管蘇

有功於楚晉注云呂卻將殺晉侯寺人披遂殺呂卻寺人披即勃貂也楚王曰管蘇犯我以義達我以禮不見不思然而

叨居近習

史記月令禁近習注云天子親幸者

往還三輔

漢書以京

兆馮翊扶風為三輔顏師古注云取左傳輔車相依之義

威福甚高

孔安國尚書注惟君得專威福

吳志步騭云欲陷人以成威福

去來兩京

謝靈運會吟行兩京東西兩京也李善注云兩京東西兩京也

風霜極烈

杜佑通典御史風霜之任○元淹亦同此威嚴

苞苴未入

禮記以苞苴問人鄭

元注云問猶遺也孔穎達正義云苞者以草包裹苴者以草籍器貯物南史恩幸傳云苞苴歲通

隊以

黃泉之深

揚雄解嘲深者入黃泉高者出蒼天

賄賂潜通

左傳賄賂公行許氏說文以財

與人

招以青雲之上

揚雄解嘲當塗者升青雲失路者委溝壑

鞭笞士子耻

辱官察犬羊披虎豹之毛

魏文帝與吳質書以大羊之質服虎豹之文孔安國論語

注虎豹與犬羊別正以毛耳

燕雀假鳳凰之翼

史記鳳凰不與燕雀為羣文選衆據雜詩

羊質服虎文燕翼假鳳翔既懼非所任怨彼南路長

豈可濫班九掖

文獻通考秦置永巷漢武

更名掖庭置令后漢掖庭令掌后宫貴人采女唐書宦者傳序云唐置內侍省有掖庭主官妃簿最

點穢

采愚

崔豹古今注采愚屏之遺象也臣來朝君行至門內屏外復應思惟采愚復思也

宜可投

諸四荒

周禮荒服謂九州之外荒裔之地與戎狄同俗故謂之荒爾雅孤竹北戶西王母日下謂之四

荒以禦魑魅

左傳舜臣堯汎四凶族投諸四裔以禦魑魅杜預注云魑魅山林異氣所生為人害

者通俗文山澤恠謂之魑魅木石恠謂之魑魅馳騾速發無俾少留各下所司

即宜催遣



龍筋鳳髓判卷二